

七、踐阼篇·····	四三四七
八、急救·····	四三五三
九、小學紺珠·····	四四四三
十、姓氏急救篇·····	四六五五
十一、周易鄭康成注·····	四七〇九
十二、六經天文編·····	四七二三
十三、通鑑答問·····	四七九五

錢·陳·張
氏·撰
王應麟年譜

探寧先生年譜自錢氏陳氏外尙有張氏所輯於錢譜
多所補正與陳譜亦有異同茲併三家印之以資互證
張輯經吳子修學使王雪澄按察校讀當少訛誤矣丙
辰三月存善記

王深寧先生年譜

四明叢書
續圖刊本

嘉定錢大昕曉徵編

宋寧宗嘉定十六年癸未无生生

先生姓王氏諱應麟字伯厚以是年七月二十九日

生本貫開封府祥符縣曾祖安道武經大夫保信軍

承宣使建炎初扈蹕南渡乾道間始定居於鄞祖晞

亮武經郎黃希撰王昌世墓志云朝散大夫父撫字謙父即以是年

登進士與余天錫同年後官至朝請大夫吏部郎中

兼國史院館編修官實錄院檢討官兼崇政殿說書

深寧先生年譜

一四明叢書
約園刊本

直祕閣贈正奉大夫

十七年甲申二歲

理宗寶慶元年乙酉三歲

二年丙戌四歲

三年丁亥五歲

紹定元年戊子六歲

二年己丑七歲

三年庚寅八歲

弟應鳳生字仲儀小字若鳳生與先生同日

四年辛卯九歲

通六經

五年壬辰十歲

六年癸巳十一歲

端平元年甲午十二歲

二年乙未十三歲

三年丙申十四歲

嘉熙元年丁酉十五歲

二年戊戌十六歲

深寧先生年譜

一四明叢書
約園刊本

從鄉先生吳參倚學

三年己亥十七歲

是歲余天錫參知政事屬吏部公教其子弟歲終致

束脩堅卻不受曰吾二兒習詞學鄉里無完書願從

公求尺牘句借周益公傳內翰番陽三洪公暨其餘

習詞學者凡二十餘家所藏書余欣然應之吏部公

性嚴急每授題設難坐命坐堂下刻燭以俟少緩輒

訶譴之由是先生為文益敏捷

四年庚子十八歲

試國子監

淳祐元年辛丑十九歲

登進士時吏部公通判婺州先生侍親在婺從王堃受學得呂成公真文忠之傳

二年壬寅二十歲

是歲史彌鞏知婺州與吏部公同事相得史公二子能之胄之皆先生同年兩家子弟相好也

三年癸卯二十一歲

調衢州西安簿無年月可攷姑繫于此民以年少易視之先生

深寧先生年譜

三四明徵書約圖刊本

白郡守繩以法

四年甲辰二十二歲

差監平江百萬東倉亦無年月可攷長洲宰扁其縣圃曰

茂苑先生告之曰長洲名縣始於唐武后時吳都賦

所云長洲之茂苑在廣陵非此地也郡國志廣陵郡

東陽縣有長洲澤吳王濞太倉在此東陽今盱眙縣

吳王濞都廣陵故枚乘說吳王曰長洲之苑服虔以

為吳苑謂廣陵之吳也

五年乙巳二十三歲

調浙西提舉常平主管帳司亦無年月可攷部使者鄭霜異待之是秋作廣恩崇福寺記

六年丙午二十四歲

七年丁未二十五歲

八年戊申二十六歲

九年己酉二十七歲

十年庚戌二十八歲

十一年辛亥二十九歲

是歲吏部公為四朝史編修官撰與服志四卷

深寧先生年譜

四四明徵書約圖刊本

十二年壬子三十歲

寶祐元年癸丑三十一歲

丁吏部公憂年月無可攷

二年甲寅三十二歲

三年乙卯三十三歲

服除調揚州州學教授

四年丙辰三十四歲

二月以從事郎新揚州教授試博學宏詞科中選試題昭慶軍承宣使左金吾衛大將軍荆湖北路安撫

副使兼知鄂州授寧武軍節度使龍神衛四廂都指揮使夔路安撫使兼知夔州兼提領措置屯田兼控扼瀘敘昌合四州邊面加食邑食實封制周山川圖記代皇子謝賜御書孝經十六句表堯衢室銘天禧編御集序 添差浙西安撫司幹辦公事 五月集英殿策士先生充覆考檢點試卷官考第既上帝欲易第七卷實其首先先生讀畢頓首曰是卷古誼若龜鑑忠肝如鐵石臣敢為得人賀遂真第一及唱名乃文天祥也先生弟應鳳亦以第二甲第九人登第

深寧先生年譜

五四明叢書

約園刊本

遷主管三省樞密院架閣文字

五年丁巳三十五歲

遷國子錄進武學博士上疏言人才乏而民力殫宜謹左右而防壅蔽求哲人以輔後嗣既對上問其父名曰爾父以陳善為忠可謂繼美

六年戊午三十六歲

遷太常寺主簿 丁大全為丞相欲致先生不可得大全諱言邊事先生入對言民力既困而重斂非修攘計願陛下勿以宴安自逸勿以容說之言自寬由

是與大全忤臺疏論先生遂外補通判台州此據延志宋史謂大全罷起通判台州者非也

開慶元年己未三十七歲

弟應鳳中博學宏詞科 十月丁大全罷相賈似道為右丞相

景定元年庚申三十八歲

召為太常博士無年月可攷 湯文清公為少卿與先生

鄰牆居朝夕講道言關洛建上江西之同異永嘉制度沙隨古易蔡氏圖書經緯西蜀史學通貫精微剖

深寧先生年譜

六四明叢書

約園刊本

析幽渺湯公曰吾聞士良廣惟伯厚乃真儒也

二年辛酉三十九歲

三年壬戌四十歲

擢祕書郎俄兼沂靖惠王府教授無年月可攷

四年癸亥四十一歲

五年甲子四十二歲

是年七月彗星見應詔極論時事 遷著作佐郎 十月度宗即位攝禮部郎官掌丞相箋表故事嗣君御殿丞相上四表即允忽奉旨增撰三表先生操筆

立就丞相護山陵畢復令作辭表三通更拱立以俟
先生從容授之丞相大驚異 兼崇政殿說書

度宗咸淳元年乙丑四十三歲

正月以著作佐郎暫攝學士院事尋遷著作郎守軍
器少監 閏五月遷將作監兼禮部郎官權直學士
院

二年丙寅四十四歲

在學士院

三年丁卯四十五歲

深寧先生年譜錄

七十四明叢書
約園刊本

經筵值人日雪因奏春雪過多民生飢寒 遷將作

監兼侍立修注官 十月遷祕書少監兼侍講 十

一月遷起居舍人兼權中書舍人書行吏右禮工房

是歲子昌世生

四年戊辰四十六歲

九月庚申雷先生言命令不專姦妄竝進卑踰尊外

凌內之象又言守成必法祖宗御治必總威福賈似

道大惡之

五年己巳四十七歲

以祕閣修撰主管建康府崇禧觀真逸閣記云子王
子自柱下史免歸

六年庚午四十八歲

以朝奉大夫祕閣修撰知徽州刻羅端良爾雅翼於
郡齋爲文序之

七年辛未四十九歲

七月召爲祕書監兼權中書舍人力辭不許 十月

供職書行吏左戶房兼國史院編修官實錄院檢討

官兼侍講 十一月遷起居郎仍兼權中書舍人

深寧先生年譜錄

八十四明叢書
約園刊本

八年壬申五十歲

在西省 兼權吏部侍郎 丁母憂

九年癸酉五十一歲

撰周易鄭注成序云癸酉季夏哉生明汲古堂書理

宗嘗賜吏部汲古傳忠四字故以名其堂也

十年甲戌五十二歲

是歲七月瀛國公卽位

恭帝德祐元年乙亥五十三歲

三月除中書舍人兼直學士院四月入院兼掌外制

書行吏左戶兵刑房兼同修國史實錄院同修撰兼

侍讀 六月庚子朔日食應詔言答天戒五事陳備

禦十策 七月除禮部侍郎仍兼中書舍人兼書行

吏右 十月奏請立濟王後加封錫謚從之遣先生

致祭 十一月除禮部尚書兼給事中辭西省兼職

江陵帥朱禔孫江西帥黃萬石皆北降丞相留夢

炎猶除拜二人官上疏駁之併論夢炎疏入不報即

引歸 十二月遣中使以翰林學士召辭不赴 是

歲弟應鳳以文天祥薦召為太常博士甫入國門而

深寧先生年譜

九四明叢書

卒

二年丙子五十四歲

是歲宋亡先生杜門不出朝夕坐堂上取經史諸書

講解論辯子昌世甫十歲聽受無倦

元世祖至元十四年丁丑五十五歲

十五年戊寅五十六歲

十六年己卯五十七歲

十七年庚辰五十八歲

八月通鑑地理通釋成

十八年辛巳五十九歲

五月漢制攷成

十九年壬午六十歲

作四明七觀

二十年癸未六十一歲

二十一年甲申六十二歲

二十二年乙酉六十三歲

二月夢前宰輔謂陳宜中也以太學所上書求作跋語寤

而識之

深寧先生年譜

十四明叢書

二十三年丙戌六十四歲

正月序踐祚篇集解

二十四年丁亥六十五歲

同邑袁韶遣其子桷受業

二十五年戊子六十六歲

二十六年己丑六十七歲

二十七年庚寅六十八歲

城中握蘭橋旁民家穿土得誌石乃唐開成四年太
原王夫人之墓父稱曾祖王元浩在玄宗時拜諫議

大夫左庶子纂巢由之志辭疾不就因作詩紀之

二十八年辛卯六十九歲

是冬廉訪副使陳祥分治慶元路慕先生名德造廬式之

二十九年壬辰七十歲

三月作慈湖書院記 八月作奉化重修縣治記

九月作慶元路學重建大成殿記及醫學記

三十年癸巳七十一歲

八月作鄞縣重修學記 作義田莊先賢祠記

深寧先生年譜

十四明叢書
利國刊本

三十一年甲午七十二歲

成宗元貞元年乙未七十三歲

二年丙申七十四歲

是春作九先生祠堂記 六月卒先期自為墓志其

銘曰其仕其止如偃如圖論者謂先生風節不媿致

光表聖而文章學問則遠過之先生在宋時官至朝

請大夫鄞縣開國伯夫人鄭氏李氏贈碩人舒氏封

碩人子昌世字昭甫以父恩補承務郎未及祿而宋

亡入元不仕孫二人厚孫寧孫寧孫字叔達白鹿書院山長厚孫

子三人

陸同

寧孫無子

以兄子隣為後先生有四世中傳見崇陽外史集

深寧先生年譜

十四明叢書
利國刊本

深寧先生年譜

王深寧先生年譜

里後學 陳 僅餘山輯
張 恕貫一編

宋寧宗嘉定十六年癸未先生生

先生姓王氏諱應麟字伯厚又字厚齋行廿二以是
年七月二十九日寅時生弟應鳳生與先生同日應
鳳字仲儀又字默齋小字若鳳宋史儒林本傳應麟與弟應鳳同日生宏簡錄道學本傳父攜同日生雙生二子曰應麟應鳳僅按嘉定癸未七月庚午日先生與弟應鳳同日生見先生自作墓誌及先生子昌世所作墳記百詩間氏以為生於嘉定十四年辛巳誤竹汀錢先生年譜謂

王深寧先生年譜

約園刊本

像贊

童槐萼君

王深寧先生年譜 小像

四明叢書 約園刊本



四明儒宗曰惟先生彝訓丕闡性道克明學海文府竝
彪英聲天水末造措危柱傾龜鑑鐵石孚是精誠大號
風渙高詞天晶鍾石遷變藻黼蔚榮峨峨簪笏千古朱
廷遺容有睟後來其刑唐之表聖漢之康成

應鳳後先生八年生 本貫開封府祥符縣曾祖安道
字時中武經大夫保信軍承宣使建炎初扈蹕南渡
乾道間始定居於鄞僅按嘉靖寧波府志鄞縣治南一里宋尚書王應麟所居至今稱王家府謝山全氏湖語注深寧先生封鄞縣伯故所居亦稱錦里今考先生故居在城西南廂鄞縣學前白鶴廟之東廟相傳為先生書堂遺址即祖晞亮所謂汲古堂書庫也王家府錦里名皆不傳祖晞亮
字寅仲武經郎僅按黃潛撰王昌世墓誌云朝散大夫又按高斯得撰先生父王攜墓誌銘云大父安道建炎渡江從名數於四明官至武經大夫保信軍承宣使轉利州觀察使父晞亮武經郎贈朝散大夫父攜字謙父即以是年登進士僅按蔣與余重珍榜與余
天錫同年後官至朝請大夫吏部郎中兼國史院編

修官實錄院檢討官兼崇政殿說書直祕閣贈正奉

大夫

十七年甲申二歲

理宗寶慶元年乙酉三歲

二年丙戌四歲

侍吏部公於安吉

三年丁亥五歲

紹定元年戊子六歲

二年己丑七歲

王深寧先生年譜

二四明叢書
約園刊本

三年庚寅八歲

四年辛卯九歲

通六經

五年壬辰十歲

六年癸巳十一歲

侍吏部公於臨安

端平元年甲午十二歲

二年乙未十三歲

三年丙申十四歲

嘉熙元年丁酉十五歲

二年戊戌十六歲

從鄉先生吳參倚學

三年己亥十七歲

吏部公遷國子正先生隨侍入朝是歲余天錫參知政事屬吏部公教其子弟歲終致束脩堅卻不受曰吾二兄習詞學鄉里無完書願從公求尺牘往借周益公傳內翰番陽三洪公暨其餘習詞學者二十餘家所藏書余欣然應之吏部公性嚴急每授題設巍座命坐堂下刻燭以俟少緩輒呵譴之由是先生文益敏捷僅按吏部為樓迂齋高弟始忤史彌遠繼忤丁大全位終不達文章氣節推重一時先生之淵源家學蔚為大儒有自來矣

王深寧先生年譜

二四明叢書
約園刊本

四年庚子十八歲

是年八月試國子監中選試題安人天民之福賦整關當雲霄詩下逮莊騷太史所錄論策問蜀帥北使次問士氣末問教胄子

淳祐元年辛丑十九歲

是年二月別院省試奏名試題口道德賦當春乃發

生詩統紀法度如何口口論策問科舉次問道學末

問理刑 四月御史臺覆試試題人君之道無私論

五月廷試乙科賜進士及第僅按徐儼夫榜親策問正學

吏治邊防邦計耕屯荒政六事太祖肇基高宗中興

規模 六月聞喜宴賜御製詩涼菲膺圖屢改元賓

興六詔口臨軒勵精思振清明政策秀欣求口敬口

口主莫如仁與義立身休計飽和溫時艱全藉賢經

濟勉力應無負選掄 七月侍吏部公通判婺州在

婺從王堃受學得呂成公真文忠之傳是歲史彌鞏

王深寧先生年譜

四四明叢書
約園刊本

知婺州與吏部公同事相得史公二子能之胃之皆

先生同年兩家子弟相好也

二年壬寅二十歲

授迪功郎衢州西安縣主簿民以年少易之先生白

郡守繩以法諸校欲爲亂縣令倉惶無措先生以理

諭服之

三年癸卯二十一歲

四年甲辰二十二歲

五年乙巳二十三歲

侍吏部公入朝 是秋作廣恩崇福寺記宋史本傳云應麟登

第言曰今之事舉子業者沾名譽得則一切委棄制

度典故漫不省非國家所望於通儒於是閉門發憤

誓以博學宏詞科自見假館閣書讀之至正直記云

四明王厚齋尙書博學每以小冊納袖中入祕府凡

見典籍異文則筆錄之復藏袖中而出僅按先生自

登第至試詞科在朝之日甚淺其假館閣書未知當

在何時附記於此以見

先生學問之本原云

王深寧先生年譜

五四明叢書
約園刊本

八年戊申二十六歲

十月差監戶部平江府百萬東倉 是年長子良學

生字茂章

九年己酉二十七歲

是年三月陞從事郎

十年庚戌二十八歲

十一年辛亥二十九歲

是年吏部公爲四朝史編修官撰輿服志四卷 弟

應鳳以蔭補將仕郎 代吏部公作謝賜御書竹林
汲古傳忠六字表

十二年壬子三十歲

是年四月差浙西提舉常平茶鹽司主管帳司部使

者鄭霖異待之 七月考試臨安 十二月丁吏部

公憂 僅按續記云淳祐十二年差浙西提舉常平茶鹽司主管帳司是歲丁吏部公憂實祐三年服

差揚州州學教授按吏部公以十二月三日辛年

六十九錢諸謂卒於實祐元年癸丑十二月則乙卯

實祐元年癸丑三十一歲

二年甲寅三十二歲

三年乙卯三十三歲

王深寧先生年譜

六四明叢書

是年二月服闋 三月差揚州學教授 僅按先生試宏詞繫銜云

從事郎新揚州州學教授若三月差授至明年二月歷時已久似不得稱新豈差命雖下而以試事實未及赴任故仍從初銓之例歟附疑俟考

四年丙辰三十四歲

是年二月試博學宏詞科中選試題昭慶軍承宣使

左金吾衛大將軍荆湖北路安撫副使兼知鄂州授

寧武軍節度使龍神衛四廂都指揮使變路安撫使

兼知夔州兼提領措置屯田兼控扼瀘敘昌合四州

邊面加食邑食實封制周山川圖記代皇子謝賜御

書孝經十六句表堯衢室銘天禧編御集序漢華平

頌 三月有旨聽擢 四月添差浙西安撫司幹辦

公事 五月集英殿策進士宣入殿廬充覆考檢點

試卷官考第既上帝欲易第七卷置其首先先生讀畢

頓首曰是卷古誼若龜鑑忠肝如鐵石臣敢為得人

賀帝喜遂實第一及唱名乃文天祥也先生弟應鳳

亦以第二甲第九人登第

五年丁巳三十五歲

主管三省樞密院架閣文字 七月除國子錄制朕

王深寧先生年譜

七四明叢書

欲以理義淑人心以教法新士習師儒之官其誰宜

歟曰爾文杓篤實無華疊洗其質也爾用存修潔有

守金玉其相也爾似道識度老成斂實而秋也爾應

麟才思汗瀾斂華而春也儀于周行聲聞籍甚是用

進文杓於東博升用存於經博擢似道於武博應麟

則常成均之法以飭之夫業精於勤荒於嬉行成於

思毀於隨此晨入之誨也爾豈遜於愈者哉朕將有

考於斯可 十月改宣教郎依舊職

六年戊午三十六歲

是年六月除武學博士制朕新美多士選擇庶官文武之教雖殊而所以教則一以爾得吉鬱然其文淵乎其道其陞師屬以迪胄子爾耕學茂而醇辭麗而則其口博通以淑生徒爾應麟見聞殫洽才思肅然其範韜鈴之士爾口璞年耆德明氣和守正其舉糾繩之政夫古之學者必時春夏教禮樂秋冬教詩書而干戈羽箭之容亦在所必講爾其惟勤惟思往以身率使正音鏘訇於金石則在汴之莪菁矣 上疏言人才乏而民力殫宜謹左右而防壅蔽求哲人以

王深寧先生年譜

八四明叢書
約園刊本

輔後嗣既對上問其父名曰爾父以陳善爲忠可謂繼美

開慶元年己未三十七歲

是年正月爲禮部點檢試卷官 二月除太常寺主

簿制奉常口口口口口口陳殷置輔隸其間非才識兼

茂聞望素高者不界也爾應麟博聞而強識積學而

多文固嘗以異科顯矣由右序而稽秩宗榮進豈易

量哉聲教四達文治勃興非國家盛事歟尙其勉之

毋但曰供簿正而已矣則朕以釋 三月出院 五

月輪對後殿時丁大全爲丞相欲致先生不可得大全諱言邊事先生入對言軍功未集而各賞民力既困而重斂非修攘計願陛下勿以宴安自逸勿以容悅之言自寬上以邊事爲憂先生言無事深憂願汲汲豫防毋爲壅蔽所欺由是益與大全忤是日即以臺諫疏論罷 十月丁大全罷賈似道爲右丞相弟應鳳中博學宏詞科

景定元年庚申三十八歲

是年九月轉奉議郎添差通判台州

王深寧先生年譜

九四明叢書
約園刊本

二年辛酉三十九歲

三年壬戌四十歲

是年八月赴台州

僅按家乘云是歲長子良學登第而填記未言浙江通志選舉六

年方山京榜亦無良學名凡家乘中如此類皆不足徵信今盡削之

四年癸亥四十一歲

是年二月轉承議郎 五月除行太常博士制奉常

漢樂官也博士皆以專經選今惟禮樂是司視成均

尤重且率爲緊官要轍之儲爾以詞學進身文譽滋

著亦既任師儒之責矣明禮秩典召而歸之講明圭

幣之文品齊俎豆之事往殫爾職嗣聽異除文字官
非爾誰屬 七月供職 九月祀明堂為前導官
五年甲子四十二歲

是年除行祕書郎制即於祕府職亞南宮非得名流
曷稱口口爾應麟見聞殫治學殖淵源嘗登詞翰之
科則宜游宏達之林矣雍容冊府蓋將養資望培器
業以大其所成就也賦三都奏二漢無取焉勉爾猷
為對予寵渥 七月彗星見詔求直言先生率同舍
五人扣閣上書極論執政侍從臺諫之罪積私財行

王深寧先生年譜

十四明嚴書
約園刊本

公田之害又勸帝受直言以應天變 八月輪對延
和殿有旨繳進是月兼沂靖惠王府教授 九月赴
講堂講禮記 十月度宗即位三日請聽政有旨兼
攝禮部郎草百官表故事嗣君御殿丞相四上表即
允忽奉旨增撰三表先生操筆立就丞相護山陵畢
復令作辭表三通吏拱立以俟先生從容授之丞相
大驚異 十二月除行祕書著作佐郎制書省有位
非元元本本殫見洽聞者不得與於斯文也爾應麟
精筆妙墨蚤擢詞科記事繁言見謂博識文采炳蔚

學殖深長讀中祕書既竝游於東觀攝名表印嘗草
奏於南宮序遷史筵益觀口筆緬懷元豐更官初皇
祖大訓以為非蘇軾不可茲豈直取人於詞藝間哉
尚企前修益培遠業僅按壙記遷著作佐郎在度宗登極前 登極恩
轉朝奉郎制生民立君故尊居於大寶惟辟作福斯
博錫於湛恩茲予一人踐阼之初是人臣委質之始
粵從京秩遞進華階臣事君以忠宜勤厥職官量能
而授嗣選爾勞

度宗咸淳元年乙丑四十三歲

王深寧先生年譜

十四明嚴書
約園刊本

是年正月直學士院馬廷鸞知貢舉有旨攝直學士
院 三月兼權禮部郎官 四月考太學補試 閏
五月兼翰林權直學士院崇政殿說書 六月經筵
進講周易讀稽古錄 七月除著作郎制昔神宗謂
著作郎非蘇軾不可聖眷厚矣然軾未嘗一日安其
位其為名表郎為翰林學士則皆元祐初年也爾種
學績文遂登朝列今由少著升大著且一日盡踐軾
所居官望爾厚矣其益以軾之文章節義自勉以稱
予意 十一月賜緋魚袋 是年次子昌世生為四

月廿三日辰時

僅按據黃潛墓誌當生於咸淳三年丁卯卒年六十一與家乘異

湯文清公為太常少卿與先生鄰牆居朝夕講道言關洛濂閩江西之同異永嘉制度沙隨古易蔡氏圖書經緯西蜀史學通貫精微剖析幽眇湯公曰吾聞士良廣惟伯厚乃真儒也仁人官至端明殿學士卒諡文清其除太常少卿在度宗登極後錢譜附於景定四年寧波府志亦云應麟為太常博士湯漢為少卿比屋而居皆失之不考今訂正

二年丙寅四十四歲

是年正月除守軍器少監制朕妙揀臣工分典戎器

王深寧先生年譜

十二四明叢書

約園刊本

以詞臣領率循神考之規繇望郎進有若阜陵之睠爾精探力索殫見治聞承明著作之庭稽古禮文之事大易辨問之學兩漢制誥之風為邦之光咨爾大雅口國家明政必閒暇之時而器械精能須文學之士已若茲監以修我戎其課參軍而升倬直忠信為甲冑可殫武庫之材文章瑞朝廷尙懋儒林之業經筵值人日雪因奏春雪過多民生飢寒僅按錢譜在丁卯今依宋史是月陞兼學士院權直三月援淳熙詞訂正臣倪思故事乞免兼禮部郎官有旨依所乞免兼

九月轉朝散郎除將作監日梓慶之論靜心者能為輪扁之言讀書者有取欲觀聖人之作疇若匠氏之功以爾振發純英滋漸名訓更日番入時則賴以質疑三年弗言時則資之作命往服乃事以修我戎甫茲視朔宜爾陟序朕奉苑囿無所資益雉監遂號於簡清若室家惟其塗茨鴻業正思於潤色靡有虛張之繕可以大肆於文直中繩曲中規爾尙助予而勸學材有美工有巧朕方用汝以為良若時超遷嗣有殊渥輪對言人君防未萌之欲存不已之誠十

王深寧先生年譜

十三四明叢書

約園刊本

二月先生叔父宗正少卿拯卒拯字正甫

三年丁卯四十五歲

是年正月郊祀為禮部郎奏解嚴皇太后受冊禮為太常博士前導冊寶二月賈似道拜平章軍國重事似道聞先生經筵奏語深忌之事見宋史本傳然素重先生語包恢諷先生令少自貶先生笑曰近相之患小負君之罪大三月兼侍立修注官陞權直學士院八月輪對僅按四字見家乘意當日必有嘉謨今不可攷矣十月雷先生奏十月之雷惟東漢數見命令不專姦妄竝進卑

踰尊外陵內之象又言守成必法祖宗御治必總威

福賈似道益惡之僅按宋史本傳冬雷是月除試

祕書少監制我國治合古則燭與景化五星聚奎之

歲兆於文明上帝羣王之府處以儒素爾學醇而富

詞麗以則講論經理諸老生未能言藻繪上命古訓

詒無以過今其命爾貳我書省飾我王度少蓬乃從

臣之選中禁非它司之比所典領者重對時嘉遇尙

克不欽陞兼侍講制朕惟我高宗紹開中興垂精

典學爰命臣震貳中祕監執經講幄緝熙光明之盛

王深寧先生年譜

十四四明叢書

垂法萬世朕甚慕焉以爾博綜百氏之籍自成一家

之文代言鰲禁以潤色皇猷載筆螭坳以謹書國典

雍容金華之晚席發揮聖人之微言朕日聞仁義之

陳庶幾三益之友是用一日二席陞侍細旃爾其飽

觀天祿石渠之藏敷暢義文周孔之祕俾朕迪我高

后之德爾亦與有無窮之聞上疏論市舶不報

十一月進講毛詩禮記除中起居舍人兼權中書舍

人書行吏右禮工房制朕觀一陽之來復登羣獻以

同升君舉必書古有太史友王言作命今爲三舍人

爾博學精通精其正直講昭素之易見遇於乾龍類

臣珪之文可追於西漢伊昔書洪範三德上端拱一

箴介於兩省之聯萃乃一家之懿成爾顯德配前文

人是用擢真右螭兼典西掖事書之策予將塵乎樞

機情見乎辭亦尙思乎潤色庶幾起居號令之重常

如準繩規矩之陳則罔所愆亦克用勸經筵進讀

孝宗寶訓終篇轉朝請即制歷代寶爲訓於皇烈祖

之謨三王惟其師允賴儒臣之益爰肆開於經幄用

祇若於先猷亦既徹篇可後褒典爾學博而有守文

王深寧先生年譜

十五四明叢書

瞻而不浮談經得聖人之微摘辭鼓天下之動琅然

細氈之講誦秩若成憲之昭明予欲率由舊章爾惟

訓於朕志進升華序將大多聞治願力行敢替詒謀

之德學無止法尙塵藥石之忠僅按家乘載經筵進

朝散郎制日云云在三月陞權直學士院下與讀孝宗寶訓終篇轉

不合且丙寅九月已載轉朝散郎不宜復出今定爲

朝請郎之誤依續記移正惟先生既轉是階而庚午

慶元府學大成殿記仍繫朝散郎舊資殊不可解豈

對言用人莫先察君子小人當國者疑之方袖疏侍

班後殿臺疏遽上御筆除職與祠由是二史直前之

制遂廢

四年戊辰四十六歲

是年除祕閣修撰主管建康府崇禧觀

口口口口口口賢者出處之際胡遽浩然深慊予衷

用全體貌爾性行端謹問學淹該緝熙光明有類執

經之益討論潤色無非宜誥之文甫修立坊乃懷居

里是用寵以書林謨次之職供以祠館恬養之真載

思丹地之代言於斯為稱毋口碧山之不負行矣造

歸真逸閣記云子王子自柱下史免歸為九月先

王深寧先生年譜陳 六十四明叢書

生弟應鳳卒於臨安僅按家乘是歲九月二十二日

葬同輿下安山壽四十六按陳台撰公母陳太碩人

墓誌銘為咸淳九年云子二應鳳官至朝奉郎太常

博士先五年卒據此則家乘所載為信又按應鳳歷

五年己巳四十七歲

是年十二月依舊職差知徽州錢譜云以朝奉大夫

慶元府學重建大成殿記後繫衙朝散郎祕閣同修

撰知徽州軍州事兼管內勸農營田事節制軍馬云

六年庚午四十八歲

是年三月上任吏部公營守是郡民稱清白太守先

生始至父老慶曰此吾清白太守子也在郡遵節用

愛人之訓例所不取者悉以予民曰絹曰折帛錢皆

蠲一分先期代納曰布麥錢曰下戶鹽隨衣折斛錢

曰坊場錢銀皆為民代輸又減榷酤曰額免折帛茶

租月椿舊欠除免糧錢增活人倉田又以十二萬楮

為平糶本有水旱則以告糶始至郡時帑纔八萬去

之日凡二十七萬 八月作慶元府學重建大成殿

記 轉朝奉大夫 刻羅端良爾雅翼於郡齋為文

王深寧先生年譜陳 七十四明叢書

序之

七年辛未四十九歲

是年七月除祕書監兼權中書舍人制內史掌王命

外史掌書志口口口也迺今合二命而界一儒選顧

不重矣乎以爾學廣聞多筆精墨妙書林詞掖昔嘗

從事於斯矣頃守新安亦既暮月治狀云最迭入為

宜茲命領輿大雅之羣仍兼代言之職以蟠胸之典

籍為近古之訓辭顧不美歟 再辭不允有旨候代

十月轉朝散大夫解郡組造朝供職書行吏右禮

刑房兼國史院編修實錄院檢討官兼侍講制王人

求多聞惟學遜志羣臣示顯行佛時仔肩茲以爾汲

古用功績文覃思太守與我共理歌乃務禱大雅於

茲為羣職是口口口儀鴻之吉宜侍清燕之間惟

大學知修齊治平之方而口口著古今得失之迹資

爾敷繹迪朕就將世南五絕之稱識其口口祖禹三

昧之譽企其齊而進講禮記大學讀九朝通略通

鑑綱目十一月除起居郎仍權中書舍人兼權吏

部侍郎制書動有史莫重於左坳貳職守曹莫劇於

右選其貳厥事取諸其能爾節勁氣蘇學醇才粹東

壁圖書之府領袖儒流中舍冊奏之工黼藻王度望

乎已久明陟為宜迺升侍極之華仍攝廷臣之要倚

相能讀墳典可知紀錄之公王劇可掌鈐衡蓋取品

口之審往欽乃職毋遜前聞上疏極言邊事經筵

指陳成敗事機似道復謀逐之

八年壬申五十歲

是年三月進講禮記徹章賜祕書省御史御製詩天
高地下禮由分聖哲于焉重糾紛心法操存無不敬

王深寧先生年譜陳 十八四明叢書 約園刊本

治功顯設在斯文會通自可濟明盛品節因知在儉

勤游夏講磨資眾彥精微盡處是尊聞轉朝請大

夫制禮說莊敬恭儉具存載籍之間學有緝熙光明

允賴羣儒之助屆時竟帙懋賞有彝爾業履粹口文

章蔚瞻螭坳載筆仍參猷約之司虎觀談經口有切

磨之益乃若漢儒之禮記無非孔氏之格言三百三

千儀文悉備多聞多見考論無遺雖明道未嘗計功

然用德所以彰善特頒褒頌爰進文階大夫執圭取

彼春朝秋請之義從臣第頌弘我上嘉下樂之規

七月書行吏左戶房九月祀明堂攝左相進玉幣

爵是月丁母太碩人憂僅按陳太碩人以九月丁

所撰墓誌銘

九年癸酉五十一歲

是年六月撰周易鄭注成序云癸酉季夏哉生明汲

古堂書理宗嘗賜吏部公飛白汲古傳忠四字以額

其堂故因以名之僅按袁桷困學紀聞序云先生年

而獨成是書蓋先生著述在七
百餘卷外者正不知凡幾也
十年甲戌五十二歲

王深寧先生年譜陳 十九四明叢書 約園刊本

是年七月瀛國公卽位 十二月服闋

恭帝德祐元年乙亥五十三歲

是年三月真除中書舍人兼直學士院日制彩筆代言地莫重於修省玉堂揮翰職尤重於北門妙選一儒俾當兩制朝請大夫王應麟若古吉士爲今聞人蘊藉宏深富諸子百家之學文章爾雅有三代兩漢之風頃嘗典於絲綸見謂工於黼黻矧當事機控總之會茲乃詞命填委之時惟諧可以回迷民惟詔可以戢悍卒惟立馬一揮之制各得其體惟狡兔三穴之

王深寧先生年譜

二十四明叢書
約園刊本

語切中其機茲惟汝能不匿厥指昔在元祐軾以紫微而掌禁林粵若建炎藻以掖垣而兼翰苑罔俾專美其昌斯文 二月賈似道潰師江上 有旨令慶元守臣勉齋赴闕 賈似道有罪免 四月造朝供職內典奏對暫權給事中吏部尙書兼掌外制書行吏左戶兵刑房 是月正謝賜紫金魚袋兼同修國史實錄院同修撰兼侍讀日制朕監於成憲惟數學積厥躬佛時仔肩以光明示我德妙東多聞之彥俾居勸誦之班朝請大夫試中書舍人兼直學士院新兼

同修國史實錄院同修撰賜紫金魚袋王應麟高明而沈潛閎通而博雅造詣得儒先之奧游夏淵源文章爲時人之宗卿雲河漢豈惟言語妙天下方將仁義陳王朝爰躋進讀之聯庶幾納誨之助昔蘇軾之在西掖嘗侍邇英而德秀之入翰林亦兼經幄此乃我朝崇儒之意而況新政訪落之初懋乃嘉猷光乃前哲正心誠意之說朕所欲聞陳善責難之恭爾其素講殫爾忠藎輔我緝熙 疏陳十事急征討明政刑求將材練軍實備糧餉舉實才擇牧守防海道且請集諸路勤王之師厚賞

王深寧先生年譜

二十四明叢書
約園刊本

以作氣惟能戰斯可守時不能用 是月之初作廣平書院記 六月庚子朔日食應詔言答天戒五事陳備禦十策時國事日壞史院無人先生獨掌綸制從容應當忠義之心溢於言表 進讀三朝寶訓七月除試尙書禮部侍郎兼中書舍人兼書行吏右日制朕宏濟時艱旁求眾正夷典朕禮所以立天下之經說代子言所以見王者之志於昭竝命允謂得人朝請大夫試中書舍人兼直學士院兼同修國史實錄院同修撰兼侍讀賜紫金魚袋王應麟肅括而宏

深高明而篤實銅川之傳遠矣厥有淵源鐵筆之操
凜然不滑涇渭屬更大化服在邇聯其文字可獨行
於中朝其論奏可昭示於當世以崇禮節節並濯偃
月之姦以黜藻偉詞潤色中天之業口疇時望進貳
春卿俾綸掖之兼行示囊班之增重粵若穆陵之初
政惟時建水之名儒未及分六省之書已擢實少常
之列迺今併錫視音有加疊五組其輝扶若餘刃之
恢拓噫禮信之士則被廬伸蒐討之威赦令之孚則
山東與忠憤之感體予至意懋爾遠猷

王深寧先生年譜

三十四明叢書

獨員送給
舍行詞

辭免不允制朕當國事多艱之時命卿

貳春官掌西掖豈緩於武而急於文哉昔人謂班朝
治軍非禮威嚴不行詔書之下能令武夫悍卒感泣
文事必有武備豈不信然卿文行粹明論奏剴切足
以折姦朋之鋒植善類之幟卿其為朕辨上下之分
以肅軍容敷心腹之告以作士氣渙號已敷需章為
贊所辭宜不允兼給事中黃鑑撰時翰
苑獨員送給舍草詔八月正謝
賜金帶九月祀明堂以禮部侍郎既滌濯九成加
恩封鄆縣開國伯食邑九僅按先生自作墓誌及續
記皆云九百戶家乘作五

百字百戶制嗟臣工而助祭清廟所以頌於周崇禮
誤也官而考文明堂所以圖於漢若稽古誼肇舉宗禮維
時持囊之英相我越縉之事肆均駿惠式協慶餘朝
請大夫試尚書禮部侍郎兼中書舍人兼直學士院
兼同修國史實錄院同修撰兼侍讀賜紫金魚袋王
應麟心正而氣和學博而識茂欽予時命皆豐典詔
之文咨汝秩宗非屑玉帛之末屬中辛之饗報於先
甲以思恭發帝之制則爾潤色於皇猷酌時之宜則
爾討論於玉律於昭穆穆皇皇之祀爰賴元元本本

王深寧先生年譜

三十四明叢書

之儒矧侍祠而肅然咸秉聰而對越神人歡洽祉福
函蒙於邑始封惟祭有澤伯之食四一茲循六典之
禮之儀三千其懋中庸之學十月奏請立濟王
後加封錫謚從之遣先生致祭除兼禮部尚書辭
免不允制周官有宗伯大小之職大禮則小佐大之
事小禮則大如小之儀大者倡而小者隨大者專而
小者貳也卿博學之識貫穿九流渾灝之文斧藻兩
制言論雖歸於忠厚封駁不避於權豪爰陟貳卿禮
典具備俾攝常伯民譽必隆周官大小之職悉以付

卿昔叔孫不憚□□之難虞廷不聽秩官之遜亟其

祇受奚以辭為所辭宜不允除禮部尚書兼給事

中辭免不允制朕未有識知博采羣英孰司禮如珪

之賢貢台斗望孰批勅如藩之正號宰相材以卿學

質而文華行端而履潔在詞垣則封駁有直氣居從

列則獻納多嘉謀是用酌之僉言賁以二命能貳秩

宗必能長寅清之職能還誥命必能專封駁之長鎮

之執五詔如初軾之陳六事有益佇聞忠告何媿前

修矧國家艱難之時非臣子辭遜之日亟祇成渙毋

王深寧先生年譜陳西四明叢書約園刊本

事冲謙所辭宜不允兼權中書舍人方應發撰時翰苑獨員並送西掖草詔

辭兼中書舍人從之兼攝吏部尚書十一月丞

相留夢炎用徐夔為御史時江陵帥朱禕孫江西帥

黃萬石皆北降夢炎猶除拜二人官繳奏上疏駁之

並糾夢炎再疏不報出關俟命疏入又不報即引歸

僅按此條參取家乘錢譜及臬堂李氏兩上者舊詩傳與宋史稍異十二月詔中使

譚德以翰林學士宣召再辭免

二月丙子五十四歲

是年宋亡先生杜門不出所著述只書甲子朝夕坐

堂上取通史諸書講解論辨子昌世年甫十二僅按黃潛甫十歲聽受無倦

墓誌云聽受無倦

元世祖至元十四年丁丑五十五歲

十五年戊寅五十六歲

十六年己卯五十七歲

十七年庚辰五十八歲

八月通鑑地理通釋成是歲長子良學卒年三十

三

十八年辛巳五十九歲

王深寧先生年譜陳西四明叢書約園刊本

五月漢制考成

十九年壬午六十歲

是年作四明七觀

二十年癸未六十一歲

二十一年甲申六十二歲

二十二年乙酉六十三歲

二月夢前宰輔謂陳宜中以太學所上書求作跋語寤而

識之

二十三年丙戌六十四歲

正月序踐阼篇集解

二十四年丁亥六十五歲

是年同邑袁洪遣其子桷受業僅按桷樞密贈越公詔曾孫建康通判洪

子錢請直云韶遺其子洪并甚

二十五年戊子六十六歲

二十六年己丑六十七歲

二十七年庚寅六十八歲

城中握蘭橋旁民家穿土得誌石乃唐開成四年太

原王夫人之墓文稱曾祖王元浩在玄宗時拜諫議

王深寧先生年譜

三十四明發書約圖刊本

大夫左庶子慕巢由之志辭疾不就因作詩紀之

作奉化社稷壇記

二十八年辛卯六十九歲

是冬肅政廉訪副使陳祥分治慶元路慕先生名德

造廬式之

二十九年壬辰七十歲

三月作慈湖書院記 八月作奉化重修縣治記

九月作慶元路建醫學記 十月作慶元路重建儒

學記僅按錢譜云九月作慶元路學重建大成殿記今依四明文獻集訂正

三十年癸巳七十一歲

八月作鄞縣重修儒學記

三十一年甲午七十二歲

十二月甲午作義田莊先賢祠堂記袁樞書世綸堂雅集詩卷云吾

劉盛時比屋皆故家大官卒至國亡無賣降于外者當至正末年諸老先生猶亡恙時則有深寧王先生師表模範世綸雅集猶有洛社耆英之遺意謝山全氏句餘土音序云宋之亡也遺老自相倡酬時則深寧王公為主盟陳西麓尤工詩寓公則舒閩風劉正仲之徒咸豫焉

成宗元貞元年乙未七十三歲

二年丙申七十四歲

王深寧先生年譜

三十四明發書約圖刊本

是春作九先生祠堂記 六月十二日戊申卒葬同

魯舊名同曾祖察使公墳下馬家山先期自為墓志

題曰浚儀其銘曰其仕其止如偃如圖論者謂先生

風節不媿致光表聖而文章學問則遠過之所著深

寧集一百卷玉堂類藁二十三卷系上者舊傳按垣

類藁二十二卷古易考不著周易鄭注一卷二書宋

者舊傳詩考五卷詩地理考六卷宋史甫上者舊漢

藝文志考證十卷通鑑地理考一百卷通鑑地理通

釋十六卷通鑑答問四卷困學記聞二十卷蒙訓七

十卷集解踐阼篇不著補注急就篇六卷補注王會

篇不著小學紺珠十卷玉海二百卷詞學指南四卷

詞學題苑四十卷筆海四十卷姓氏急就篇六卷漢

制考四卷六經天文編六卷小學諷詠四卷共七百餘卷宏

簡錄本傳云所著書凡六百九十餘卷果堂李氏曰

先輩言古今撰述之盛前無如葛稚川所著書六百

餘卷其次即先生所著六百八十九卷亦弟子著名

者胡三省戴表元袁桷黃叔雅史晏卿史蒙卿趙孟

傑楊浚王惟賢先生在宋時官至朝請大夫禮部尙

書賜金紫鄞縣開國伯夫人鄭氏丞相安晚四女孫

也再娶江口李氏皆贈碩人三娶後湯舒氏封碩人

子二人良學官至兩浙運幹先卒昌世字昭甫學者

稱靜學先生以父恩補承務郎未及祿而宋亡入元

力辭薦舉隱居教授泰定丁卯卒事詳黃女二人一

適史萬卿一適戴泳良學子文遠文遠子懋孫去疾

去疾無子懋孫子奕傳昌世子厚孫字叔載學者稱

生著有述初集三十卷學孫字叔遠皆按寧孫之字徧考諸載

非有誤也惟當日何以取同祖兄名爲字爲厚孫二

子陞臨僅按錢譜云厚孫子三人臨爲寧孫後生二

子宗傳中傳宗傳還爲陞後錢譜云先生有四世孫

按謝山全氏甬上族望表云竹林王氏共五望其後

散處於越居鄞者微攷之家乘則遷越爲太常獻齋

先生之後非先生裔也又按浚儀王氏家乘爲

宗傳子嗣所修聯弟聯四世孫鎮嘉靖間重修

附錄

宋史儒林列傳

王應麟字伯厚慶元府人九歲通六經淳祐元年舉進

士從王堃受學調西安主簿民以年少易視之輸賦後

時應麟白郡守繩以法遂立辦諸校欲爲亂知縣事翁

甫倉皇計不知所出應麟以禮諭服之差監平江百萬

東倉調浙西提舉常平茶鹽主管帳司部使者鄭霖異

待之丁父憂服除調揚州教授初應麟登第言曰今之

事舉子業者沽名譽得則一切委棄制度典故漫不省

非國家所望於通儒於是閉門發憤誓以博學宏辭科

自見假館閣書讀之寶祐四年中是科應麟與弟應鳳

同日生開慶元年亦中是科詔褒諭之添差浙西安撫

司幹辦公事帝御集英殿策士召應麟覆考者第既上

帝欲易第七卷其首應麟讀之乃頓首曰是卷古誼

若龜鑑忠肝如鐵石臣敢爲得士賀遂以第七卷爲首

王深寧先生年譜

三五四明叢書

王深寧先生年譜

三五四明叢書

選及唱名乃文天祥也遷主管三省樞密院架閣文字
遷國子錄進武學博士疏言陛下閱理多願治久當事
勢之艱與國蹙於外患人才乏而民力殫宜強爲善增
修德無自沮怠恢宏士氣下情畢達操綱紀而明委任
謹左右而防壅蔽求哲人以輔後嗣既對帝問其父名
曰爾父以陳善爲忠可謂繼美丁大全欲致應麟不可
得遷太常寺主簿面對言淮戍方警蜀道孔艱海表上
流皆有藩籬唇齒之憂軍功未集而吝賞民力旣困而
重斂非修攘計也陛下勿以宴安自逸勿以容悅之言

王深寧先生年譜

三四明叢書
約園刊本

自寬帝愀然曰邊事甚可憂應麟言無事深憂臨事不
懼願汲汲預防毋爲壅蔽所欺時大全諱言邊事於是
應麟罷去及大全敗起應麟通判台州召爲太常博士
擢祕書郎俄兼沂靖惠王府教授彗星見應詔極論執
政侍從臺諫之罪積私財行公田之害又言應天變莫
先回人心回人心莫先受直言箝天下之口沮直臣之
氣如應天何時直言者多迂權臣意故應麟及之遷著
作佐郎度宗卽位權禮部郎官草百官表舊制請聽政
四表已上一夕入臨宰臣諭旨增撰三表應麟操筆立

就丞相總護還辭位表三道使者立以俟應麟從容授
之丞相驚服卽授兼禮部郎官兼直學士院馬廷鸞知
貢舉詔應麟兼權直俄兼崇政殿說書遷著作郎守軍
器少監經筵值人曰雪帝問有何故事應麟以唐李嶠
李乂等應制詩對因奏春雪過多民生飢寒方寸仁愛
宜謹感召遷將作監帝視朝謂應麟曰爲學要灼見古
人之心應麟對曰嚴恭寅畏不敢怠皇克勤克儉無自
縱逸強以取下制事以斷此古人之心然操舍易忽於
眇綿兢業每忘於遊衍帝嘉納之旣而輪對言人君防

王深寧先生年譜

三四明叢書
約園刊本

未萌之欲存不已之誠擢兼侍立修注官升權直學士
院遷祕書少監兼侍講上疏論市舶不報會賈似道拜
平章事葉夢鼎江萬里各求去似道亦求去應麟奏孝
宗朝闕相者亦逾年帝亟取以諭之似道聞應麟言大
惡之語包恢曰我去朝士若王伯厚者多矣但此人素
著文學名不欲使天下謂我棄士彼盡思少自貶恢以
告應麟笑曰迂相之患小負君之罪大遷起居舍人兼
權中書舍人冬雷應麟言十月之雷惟東漢數見命令
不專姦妄並進卑踰尊外陵內之象當清天君謹天命

體天德以回天心守成必法祖宗御治必總威福似道聞之斥逐之意決矣應麟牒閣門直前奏對謂用人必先察君子小人方袖疏侍班臺臣亟疏駁之由是二史直前之制遂廢以祕閣修撰主管崇禧觀久之起知徽州其父搆嘗守是郡父老皆曰此清白太守子也摧豪右省租賦民大悅召爲祕書監權中書舍人力辭不許兼國史編修實錄檢討兼侍講遷起居郎兼權吏部侍郎指陳成敗逆順之說且曰國家所恃者大江襄樊其喉舌議不容緩朝廷方從容如常時事幾一失豈能自

王深寧先生年譜

三三四明叢書
約園刊本

安親臣無以邊事言者帝不憚似道復謀斥逐適應麟以母憂去及似道潰師江上授中書舍人兼直學士院卽引疏陳十事急征討明政刑厲廉恥通下情求將材練軍實備糧餉舉實材擇牧守防海道其目也且言圖大患者必略細故求實效者必去虛文因請集諸路勤王之師有能率先而至者宜厚賞以作勇敢之氣并力進戰性能戰斯可守進兼同修國史實錄院同修撰兼侍讀兼禮部侍郎兼中書舍人日食應詔論答天戒五事陳備禦十策皆不及用尋轉尙書兼給事中左丞相

留夢炎用徐囊爲御史擢江西制置使黃萬石等應麟繳奏曰囊與夢炎同鄉有私人之嫌萬石麤戾無學南昌失守誤國罪大今方欲引以自助善類爲所搏噬者必攜持而去吳浚貪墨輕躁豈宜用之況夢炎舛令慢諫謫言勿敢告今之賣降者多其任用之士疏再上不報出關俟命再奏曰因危急而紊紀綱以偏見而拂公議臣封駁不行與大臣異論勢不當留疏入又不報遂東歸詔中使譚純德以翰林學士召識者以爲奪其要路寵以清秩非所以待賢者應麟亦力辭後二十年卒

王深寧先生年譜

三三四明叢書
約園刊本

所著有深寧集一百卷玉堂類藁二十三卷掖垣類藁二十三卷詩考五卷詩地理考五卷漢藝文志考證十卷通鑑地理考一百卷通鑑地理通釋十六卷通鑑答問四卷困學記聞二十卷蒙訓七十卷集解踐阼篇補注急就篇六卷補注王會篇小學紺珠十卷玉海二百卷詞學指南四卷詞學題苑四十卷筆海四十卷姓氏急就篇六卷漢制考四卷六經天文編六卷小學諷詠四卷
浚儀遺民自誌

王氏也應麟名也伯厚甫字也其先浚儀人居鄆自曾大父始也遺民不忘舊也世系則先君吏部正奉先妣陳碩人誌銘可見也先君擢第之歲與弟太常博士應鳳生同日嘉定癸未七月也學以先君爲師伯仲自爲友閉門讀書不忘交也年十九第進士乙科淳祐辛丑也年三十四以博學宏辭擢用寶祐丙辰也初仕爲衢州西安簿監戶部百萬倉主管浙西提舉常平茶鹽帳司添差浙西安撫司幹辦公事登朝出爲添差通判台州以祕閣修撰知徽州此在外所歷之官也始入朝主

王深寧先生年譜

陳

三五四明叢書

約園刊本

管三省樞密院架閣文字國子錄武學博士太常寺主簿又爲太常博士祕書郎兼沂靖惠王府教授著作佐郎兼禮部郎翰林權直崇政殿說書遷著作郎軍器少監陞學士院權直遷將作監陞權直學士院兼侍立修注官遷祕書少監兼侍講遷起居舍人兼權中書舍人又召爲祕書監兼中書舍人兼國史院編修實錄院同修撰兼侍讀遷禮部侍郎兼中書舍人兼權禮部尙書遷禮部尙書兼給事中攝吏部尙書此在內所歷之官也瑣闥封駁不得其言去詔中使趣召懇辭遂老于田園

德祐乙亥也自初命至朝請大夫賜服金紫鄆縣開國伯食邑九百戶此其封階也性謹慤寡慾介直少通不苟同流俗也立朝恬靜莅官公勤處家簡儉治郡潔己愛民守先訓也再入翰苑三入掖垣制彙凡四十五卷才弱文不逮古也嗜學老不倦爲困學紀聞彙次之書有詩考詩地理考漢藝文志考通鑑地理考地理通釋鑑答問集解踐阼篇補注急就篇王會篇輯古今言行爲家訓其文彙曰深寧集然不足傳也自爲誌銘攸樊川潯山也生稱逸民死表其阡曰前進士王君之墓

王深寧先生年譜

陳

三五四明叢書

約園刊本

歸全奚憾而在三之報有媿於古之人也銘曰

學古而迂志壹而愚其仕其止如偃如圖不足稱於還老或庶幾乎守隅歸從先人戰兢免夫

宋吏部尙書王公壙記

先生王氏諱應麟字伯厚世居開封之祥符曾大父諱安道武經大夫保信軍承宣使轉和州觀察使始居四明之鄆妣陳氏龍氏並贈宜人大父諱希亮朝散大夫妣張氏封宜人父諱擢朝請大夫吏部郎中兼崇政殿說書累贈正奉大夫妣陳氏封太碩人先公於嘉定十

六年七月庚午與叔父太常博士諱應鳳生同日登淳祐元年進士第授迪功郎衢州西安縣主簿八年差監戶部平江府百萬東倉明年升從事郎十二年差浙西提舉常平茶鹽司主管帳司是歲丁吏部公選寶祐三年服闋差揚州學教授四年中博學宏詞科有旨陞擢添差浙西安撫司幹辦公事五年主管三省樞密院架閣文字除國子錄宣敎郎六年除武學博士開慶元年除太常寺主簿景定元年轉奉議郎添差通判台州四年轉承議郎召爲太常博士五年除行祕書兼沂靖惠

王深寧先生年譜

三六四明叢書

約園刊本

王府教授遷著作佐郎度宗登極轉朝奉郎攝直學士院權禮部郎官兼翰林權直兼崇政殿說書遷著作郎二年除守軍器少監陞兼學士院權直轉朝散郎遷將作監賜緋魚袋三年兼侍立修注官陞權直學士院遷祕書少監兼侍講遷起居舍人兼權中書舍人經筵徹章轉朝請郎四年除祕閣修撰主管建康府崇禧觀五年仍舊職差知徽州吏部公舊治也六年轉朝奉大夫七年召爲祕書監兼權中書舍人兼國史院編修官實錄院檢討官兼侍講遷起居郎兼吏部侍郎八年經筵

徹章轉朝請大夫兼直學士院兼同修國史實錄院同修撰兼侍讀賜紫金魚袋遷禮部侍郎兼中書舍人權禮部尙書兼給事中攝吏部尙書以明堂恩封鄞縣開國伯食邑九百戶自是歸隱田里逾二十年號深寧叟以元貞二年六月戊申卒於正寢享年七十有四嗚呼痛哉娶鄭氏繼娶李氏先卒並贈碩人繼舒氏封碩人子男二長良學承務郎兩浙運幹羅買官先公十六年卒次昌世女二長適通仕郎史萬卿次適口仕郎戴泳蚤卒孫男文遠曾孫男二楸孫去疾女一昌世等不孝忍死將以是年十二月辛酉奉匱窆於陽堂鄉同輿之原從祖父兆先志也葬日薄謹述官爵始末以識罔極之痛云孤子昌世泣血謹記

全祖望宋王尙書畫像記

往者太原閻丈百詩篤嗜深寧先生之著述三屬人入鄞求先生之行狀神道碑墓志欲附之卷尾又求其畫像欲摹之卷首而皆不可得先生孫枝在鄞者零落其在紹之上虞者亦不知其盛與否也予罷官歸同學葛君巽亭爲予言榆夾村王氏有先生像亟喜往請而觀

王深寧先生年譜

三七四明叢書

約園刊本

之亡宋遺民所云咸淳人物面目當時已等之彝鼎況大儒如先生乎先生之學私淑東萊而兼綜建安江右永嘉之傳予於同谷三先生書院記言之詳矣生平大節自擬於司空圖韓偓之間良無所媿顧所當發明者有二其一則宋史之書法也先生於德祐之末拜疏出關此與曾淵子輩之潛竄者不同先生既不與軍師之任國事已去而所言不用不去何待必俟元師入城親見百官署名降表之辱乎試觀先生在兩制時晨夕所草詞命猶思挽既渙之人心讀之令人淚下則先生非

王深寧先生年譜

三五四明叢書

約園刊本

肯超然而去者今與淵子輩同書曰遁矣其一則明儒所議先生入元曾爲山長一節也先生應元人山長之請史傳家傳志乘諸傳皆無之不知其何所出然卽令曾應之則山長非命官無所屈也箕子且應武王之訪而況山長乎予謂先生之拜疏而歸蓋與馬丞相碧梧同科卽爲山長亦與家參政之教授同科而先生之大節如青天白日不可掩也嗚呼先生困學記聞中有取於姚弋仲王猛之徒與楊盛之不改正朔并謝靈運臨難之詩其亦悲矣而謂士不以秦賤經不以秦亡俗

不以秦壞何其壯也嘗李德林之以事周者事隋更足爲興王用人之戒今觀先生之像須眉惆悵端居不樂其當杜門謝客之際乎惜不令百詩見之也

按此記全氏所見當是私第角巾之像惟榆莢村王非先生族屬不知當時何以有此求之村人謂已毀於謔出矣今先生孫枝居唐家匯者樸愚無文飾奉其像與家乘俱來冠帶袍笏儼然如生上方有先生自誌明崇禎間曹某書爲先生第十八世女孫之壻世守足徵洵與鼎彝比重且稱此像遲時曾爲人攜至太原豈潛邸已得先睹而全氏作記時未相聞耶先生爲宋臣傳在宋史畫像固宜遵宋冠服故本之摹諸卷首仍錄此者以榆莢村一說當在傳疑之例其發明二事亦知人論世之一助云童槐識

徐錫珪捐造深寧先生祠堂引

吾郡碩儒未有如深寧先生者也而舊無專祠殊爲闕典今西郊文昌閣有成斥其河壩餘地足以集事前旣承當道長官及梓鄉紳士共襄盛舉巍然傑構壯我西顧矣而不及今令不世出之名賢俎豆其旁甚非所以

王深寧先生年譜

三五四明叢書

約園刊本

獎與文運誘進後生也先生之學光芒宇宙其文集散佚然卽所流傳諸書已與奎璧爭輝矣是宜生其地者之必思所以崇報之無怠也先生孫枝僅存保有明初所遺家乘具載歷官告身行狀墓志傳贊他日當并勒之祠中以爲此邦人觀法也惟願勉力佐成一與建閣意無異幸甚幸甚

王深寧先生年譜

陳

四十四
明叢書
約園刊本

嘉慶庚辰余在京邸得竹汀錢氏深寧先生年譜度行篋中道光丁亥旣自贛州歸適先生後人居南鄉唐家匯者以先生畫像及家乘來則中有年譜在焉喜極取以校錢氏譜則錢譜十譌七八甚矣譜學之難也凡家乘多附會不足據而先生子昌世所作墳記則徵信之物也因與婦弟張子鐵峯悉心核校以墳記家乘爲主參之錢氏及史傳諸紀載稽疑訂謬別編次爲卷家乘猶是嘉靖間舊物多漫漶蠹脫處可補者補之其不可知者以俟異日憶甲申之秋余約同人合醵爲先生作生曰自後率以爲常去夏創建專祠不踰年而告葢而畫像家乘亦不期而獲焉不可謂非先生之靈之所式憑也爰識其緣起如此道光八年季秋邑後學陳僅跋於文則樓

王深寧先生年譜

陳

四十四
明叢書
約園刊本

嘉定錢氏所編先生年譜半據延祐志然多失次如遷常簿及輪對忤丁相罷職在開慶己未通判台州在景定庚申放之先生墳記及宋史皆合而錢譜俱在寶祐戊午其他遷除年序舛錯不一則延祐志之不足據也道光七年五月陳漁珊姊丈與余創建先生祠堂適得明嘉靖間浚儀王氏家乘鈔本尙書公年譜互加案校屬余別爲編次嘉定十六年至德祐元年本之王氏家譜參以錢譜德祐二年訖元貞二年本之錢譜參以王氏家譜云道光八年秋九月邑後學張恕跋於長春花

王深寧先生年譜

聖三四明叢書

約園刊本

館

王深寧先生年譜

仁和張大昌小雲輯

宋寧宗嘉定十六年癸未七月先生生

先生姓王氏諱應麟字伯厚又字厚齋行廿二以七月二十九日寅時生本貫開封府祥符縣曾祖安道

字時中武經大夫保信軍承宣使建炎初扈蹕南渡

乾道間始定居於鄞

陳譜按嘉靖寧波府志鄞縣治南一里宋禮部尙書王應麟所居至今稱王家府謝山全氏湖語深寧先生封鄞縣

伯故所居亦稱錦里今考先生故居在城西南廂鄞縣學前白鶴廟之東廂相傳爲先生書堂遺址

卽所謂汲古堂書庫也王家府錦里名皆不傳祖晞

王深寧先生年譜

一四明叢書

約園刊本

亮字寅仲武經郎

錢譜云黃潛撰王昌世墓誌云朝散大夫陳譜按高斯得撰先生

父王撝墓誌銘云大父安道建炎渡江從名數於四明官至武經大夫保信軍承宣郎轉利州觀察使父

晞亮武經郎父撝字謙父博洽多聞性耿介非其友贈朝奉大夫

不與語幼學於樓昉爲文醇深善議論

案博洽以下二十五字據

康熙寧波府志人物傳卽以是年登蔣重珍榜進士後官至朝

請大夫吏部郎中兼國史院編修官實錄院檢討官

兼崇政院說書直祕閣知溫州

三字據雍正浙江通志選舉注卒贈

正奉大夫妣陳氏贈碩人

按錢陳兩譜均未載先生母姓氏封贈考登科錄應

鳳名下云外氏陳先生自製墓銘稱先妣陳碩人

十七年甲申二歲

理宗寶慶元年乙酉三歲

二年丙戌四歲

侍吏部公於安吉陳譜時吏部公為安吉丞攝長興

令捐俸賙水災再攝新城復斥餘財五萬緡代貧民

賦據延祐四明志

三年丁亥五歲

紹定元年戊子六歲

二年己丑七歲

王深寧先生年譜張

四明叢書
約園刊本

三年庚寅八歲

弟應鳳生字仲儀小字若鳳與先生生同月日錢譜

簡錄道學本傳父攜同日雙生二子曰應麟應鳳云

錢譜謂應鳳後先生八年生同日誤竊按寶祐登科

錄應鳳名下稱年二十七七月二十九日寅時生實

祐四年先生年三十四而應鳳年二十七錢譜所據

者此陳譜恐未合宏簡錄雖有此說而宋史本傳及

先生自製墓誌子昌世所作墳志祇稱同日生未有

云同生於某年月日者今姑依錢譜所載附繫於

四年辛卯九歲

是年先生通六經錢譜

五年壬辰十歲

六年癸巳十一歲

侍吏部公於臨安陳譜

端平元年甲午十二歲

二年乙未十三歲

三年丙申十四歲

嘉熙元年丁酉十五歲

二年戊戌十六歲

從鄉先生吳參倚學錢譜

三年己亥十七歲

王深寧先生年譜張

四明叢書
約園刊本

吏部公遷國子監正將作監主簿案錢譜不載陳譜

字據康熙寧波府志先生隨侍入朝是歲吏部公同年進士

余天錫參知政事屬吏部公教其子弟歲終致束脩

堅卻不受曰吾二兒習詞學鄉里無完書願從公求

尺牘往借周益公傳內翰番陽三洪暨其餘習詞學

者凡二十餘家所藏書余欣然應之吏部公性嚴急

每授題設魏座命坐堂下刻燭以俟少緩輒呵譴之

由是先生文益敏捷陳譜按吏部為樓迂齋高弟

不達文章氣節推重一時先生之淵源家學蔚為大儒有自來矣

四年庚子十八歲

四月史嵩之依前右丞相兼樞密使吏部公乞補外

以避通判婺州據康熙寧波府志參宋史本紀及宰相表按陳譜謂通判婺州在明年七月似

未合八月先生試國子監中選試題安人天民之

福賦整翮當雲霄詩下逮莊騷太史所錄論策問蜀

帥北使次問士氣末問教胄子陳譜

淳祐元年辛丑十九歲

二月別院省記奏名試題口道德賦當春乃發生詩

統紀法度如何口口論策問科舉次問道學末問理

王深寧先生年譜

四四明叢書

刑案是科杜範知貢案見咸淳臨安志四月御史臺覆試試題人君

之道無私論陳譜五月廷試乙科登徐儼夫榜進士

賜及第出身親試策問正學吏治邊防邦計耕屯荒

政六事太祖肇基高宗中興規模六月聞喜宴賜

御製詩涼菲膺圖屢改元賓興六詔五陳譜闕此字據咸淳臨安志

志臨軒勵精思振清明政策秀欣求謙陳譜闕此字據咸淳臨安志

志直陳譜作敬上下均闕字言致陳譜闕此二字據咸淳臨安志

譜敬字恐即主莫如仁與義立身体計飽和溫時艱

致字之譌全藉賢經濟勉力應無負選掄七月侍吏部公於

婺州從王堃受學習宏詞科初真文忠從傅伯壽為

詞科堃與文忠相後先源緒精密先生二十六字遂

得呂成公真文忠之傳陳譜又從徐鳳受習之據清容

袁桷情客集陳志仲墓誌有云宋季詞科呂成公真

文忠傳諸徐鳳徐鳳傳諸王公應麟諸書均稱從王

堃不言從徐鳳未知先生從徐鳳在先是先生初登

從王堃之前後今姑繫此以備參攷

第言曰今之事舉子業者沽名譽得則一切委棄制

度典故漫不省非國家所望於通儒於是發憤誓以

王深寧先生年譜

五四明叢書

博學宏辭科自見假館閣書讀之據本每以小冊納

袖中入祕府凡見典籍異聞則筆錄之復藏袖中而

出據至正直記陳譜附注此於乙巳作廣思崇福

寺記下云先生自登第至試詞科在朝之日甚淺

其假館閣書未知當在何時附記於此竊按本傳明

云登第言曰則應列於是年實無疑義若至正直記

所稱乃先生分類輯玉海之始故胡助云公專力三

十餘年而後成當亦在是年肇始也至所云祕府則

公廨案牘正多度藏未必專以在朝而後以祕府稱

也內府

二年壬寅二十歲

是歲史彌鞏知婺州與吏部公同事相得史公五子

能之胃之皆先生同年及有之胃之育之均侍焉據

鄂州墓誌兩家子弟相好也陳譜此條移辛丑年末

增十字案先生史鄂州墓誌云

淳祐初余始第進士侍先君子吏部婺州倅明年少師公來守郡君侍焉兩家子弟相好也錢譜本此列是年陳移御史劉晉之誣衢州掾慮囚受賕刑獄之殊誤

使者不直之命吏部公審實公言誠無是事晉之怒而婺之士民咸謂公處置實當晉之不敢犯晉之蓋

史相黨人也據延祐四明志

三年癸卯二十一歲

調衢州西安主簿錢譜云無年月可考姑繫於此陳諸席列於壬寅年別無據證今仍

依錢民以年少易視之輸賦後時四明志先生白郡

守繩以法遂立辦諸校欲為亂知縣事翁甫倉皇計

王深寧先生年譜

六四明叢書

不知所出先生以理論服之錢譜吏部公攝知婺州

去之日以羨餘數籍於官據康熙寧波府志

四年甲辰二十二歲

吏部公以祕書丞知徽州郡廩無三月之儲暨解去

粟支一年帛萬匹所宜得錢復以助少府之用遷吏

部郎中崇政殿說書據延祐四明志

五年乙巳二十三歲

侍吏部公入朝陳譜調浙西提舉常平主管帳司部

使者鄭霖異待之錢譜秋作廣恩崇福寺記吏部

公上疏言羣臣遜志之言多逆耳矯拂實未之見其議剴切深中時病據延祐四明志

六年丙午二十四歲

十月先生赴西安陳譜

七年丁未二十五歲

六月昌國令沈鼂重建昌國學大成殿作重建昌國

大成殿記據延祐四明志

八年戊申二十六歲

十月差監戶部平江府百萬倉錢譜繫甲辰陳諸依續記繫此長

王深寧先生年譜

七四明叢書

洲宰扁其縣圃曰茂苑先生告之曰長洲非此地也

問其故先生曰吳王濞都廣陵漢郡國志廣陵郡東

陽縣有長洲澤吳王濞太倉在此東陽今盱眙縣故

枚乘說吳王云長洲之苑服虔以為吳苑韋昭以為

長洲在吳東蓋謂廣陵之吳也曰他有所據乎先生

曰隋虞綽撰長洲玉鏡蓋煬帝在江都所作也長洲

之名縣始於唐武后時錢譜繫甲辰文簡略今與監倉併移此據因學紀聞

是年長子良學生字茂章摹刻正月天申節放生

池戒宰烹御札成有代進放生池御札摹本表據四明文

獻集參成
淳陽安志

九年己酉二十七歲

三月陞從事郎陳譜

十年庚戌二十八歲

十一年辛亥二十九歲

吏部公兼國史院編修官實錄院檢討官預修四朝

史撰輿服志六卷

陳譜作四朝史編修官恐誤蓋當稱國史院編修官為合茲依府志作預修四朝史宋代未嘗專設四朝史官也輿服志原作四卷茲據浙江通志改

吏部公御書竹林汲古傳忠六字先生代撰謝賜表

王深寧先生年譜

八四明叢書
約圖刊本

吏部公因額其里居堂曰汲古堂所撰文曰汲古文

集據鄞縣志二月乙未左丞相鄭清之等上玉牒日曆

會聚及光宗寧宗實訓寧宗經武要略先生有擬國

史院進光宗寧宗實訓表又有代宰臣以下賀奉安

光宗寧宗實訓寧宗經武要略今上玉牒日曆會要

禮成表據詞學指南四明文獻集參宋史本紀

十二年壬子三十歲

理宗賜吏部公御製周易徹章詩先生代撰謝賜表

據四明文獻集吏部公以直祕閣知溫州據延祐四明志浙江通志選舉

職官寧波府志人物傳四月差浙西提舉常平茶鹽司主管

七月考試臨安陳譜八月辛巳詔改明年為寶祐元

年有代賀改元寶祐表據四明文獻集宋史本紀十二月吏部

公卒於溫州任先生丁父憂陳譜案續記云淳祐十

茶鹽司主管帳司是歲丁吏部公憂寶祐三年服闋

差揚州州學教授按吏部以十二月三日卒年六十

九錢譜謂卒於寶祐元年癸丑十二月則十二月所

乙卯方再期不得除服差揚州當以續記為定

著有汲古文集樂事錄據鄞縣志

寶祐元年癸丑三十一歲

二年甲寅三十二歲

王深寧先生年譜

九四明叢書
約圖刊本

十一月皇子忠王祺冠有代賀皇子忠王行冠禮表

據四明文獻集參宋史本紀

三年乙卯三十三歲

二月服闋陳譜三月差揚州州學教授錢譜

詞繫銜云從事郎新除揚州州學教授若三月差授至明年二月歷時已久似不得稱新豈差命雖下而

以試事實未及赴任故仍從初銓之例歟附疑俟考

四年丙辰三十四歲

二月以從事郎新除揚州州學教授試博學宏詞科

中選十二日試第一場題二首十字據詞學指南昭慶軍承

宣使左金吾衛大將軍荆湖北路安撫副使兼知鄂

州授寧武軍節度使龍神衛四廂都指揮使夔路安

撫使兼知夔州兼提領措置屯田兼控扼瀘敘昌合

四州邊面加食邑食實封制周山川圖記十三日試

第二場題八字據詞代皇子謝賜御書孝經十六句

表堯衛室銘十四日試第三場題八字據詞天禧編

御集序漢華平頌錢譜三月有旨聽擢陳譜四月添

差浙西安撫司幹辦公事錢譜五月集英殿策進士

宣入殿廡充覆考檢點試卷官考第既上帝欲易第

王深寧先生年譜

十四明叢書

約圖刊本

七置其首案襲開文信國傳作第五先生讀畢頓首曰是卷古誼

若龜鑑忠肝如鐵石臣敢爲得人賀遂實第一及唱

名乃文天祥也先生弟應鳳是科年二十七治賦一

舉以迪功郎應試十四字據實廷對披腹盡言六字據成

化四明志亦以第二甲第九人登第錢譜

五年丁巳三十五歲

主管三省樞密院架閣文字陳譜按錢譜在前一年丙辰七月

除國子錄制朕欲以理義淑人心以教法新士習師

儒之官其誰宜愈曰爾文杓篤實無華蠱洗其質也

爾用存修潔有守金王其相也爾似道識度老成斂

實而秋也爾應麟才思汗瀾敷華而春也儀于周行

聲聞藉甚是用進文杓於東博升用存於經博擢似

道於武博應麟則掌成均之法以飭之夫業精於勤

荒於嬉行成於思毀於隨此晨入之誨也爾豈遜於

愈者哉朕將有考於斯可陳譜十月改宣敕即依舊

職陳譜庚子詔皇子忠王祺授鎮南遂安軍節度使

皇女進封昇國公主有代賀皇子加兩鎮公主進封

昇國表據四明文獻集參宋史本紀

王深寧先生年譜

十四明叢書

約圖刊本

六年戊午三十六歲

六月除武學博士制朕新美多士遴擇庶官文武之

教雖殊而所以教則一以爾得吉魯然其文淵乎其

道其陸師屬以迪胄子爾耕學茂而醇辭麗而則其

口博通以淑生徒爾應麟見聞殫洽才思奮然其範

韜鈴之士爾口璞年耆德明氣和守正其舉糾繩之

政夫古之學者必時春夏教禮樂秋冬教詩書而干

戈羽籥之容亦在所必講爾其惟勤惟思往以身率

使正音鏘訇於金石則在止之莪菁矣陳譜是年先

生上疏言陛下閱理多願治久當事勢之艱與圖感於外患人才乏而民力殫宜彊爲善增修德無自沮怠恢宏士氣下情畢達操紀綱而明委任謹左右而防壅蔽求哲人以輔後嗣既對帝問吏部公名曰爾父以陳善爲忠可謂繼美錢譜多刪節據本傳增

開慶元年己未三十七歲

正月爲禮部點檢試卷官有代知舉謝賜御札表

二月除太常寺主簿制奉常口口口口口陳殷置輔

隸其界非才識兼茂聞望素高者不界也爾應麟博

王深寧先生年譜

十二四明叢書

約園刊本

聞強識積學多聞固嘗以異科顯矣由右序而稽秩宗榮進豈易量哉聲教四達文治勃興非國家盛事歟尙其他之母但曰供簿正而已矣則朕以憚陳譜

三月出院陳譜五月輪對後殿時丁大全以會計得

幸于上擅奏擬臺諫承風旨大全招先生諭意將拜

爲御史而大全諱言邊事先生入對言淮戍方警蜀

道孔艱海表上流皆有藩籬脣齒之憂軍功未集而

吝賞民力旣困而重斂必失軍民心非修攘之計也

願陛下勿以宴安自逸勿以容悅之言自寬帝愀然

曰邊事甚可憂先生言無事深憂臨事不懼願汲汲預防毋爲壅蔽所欺由是與大全忤是日即以臺諫論罷錢譜十月辛未朔丁大全罷壬申以吳潛爲左

丞相賈似道爲右丞相陳譜是年弟應鳳應博學宏

詞科中選詔褒諭之先是應鳳中甲科或謂曰此麗

澤先生名弟也蓋以異自見及入選人以三洪並稱

錢譜文多刪節據本傳參四明鄞縣志又案是

科試題見詞學指南及鄞縣志第一場題檢校少保

武唐軍節度使淮南西路安撫司兼知蘆州授檢校

少傅寧武軍節度使侍衛馬軍都指揮使四川宣撫

副使兼知潼川府措置修築沿邊城堡團結民兵捍

禦瀘敘思播鎮遠諸處邊面兼屯田使加食邑食實

王深寧先生年譜

十三四明叢書

約園刊本

封制漢郡山川風俗記第二場題代提舉國史已下進重修孝宗皇帝實錄編類寧宗皇帝御集表堯謁者箴第三場題慶曆新修有代玉牒供兵書謝成

轉通議大夫表又代洪兵書謝表據四明文獻集按

其名考宋史是時有洪天錫洪芹二人天錫傳不言

居兵書洪芹傳云開慶元年權禮部郎中書舍人屬

兵興則此稱兵書當爲洪芹無疑故繫此

景定元年庚申三十八歲

九月轉奉議郎添差通判台州錢譜在寶祐六年注云此據延祐四明志

宋史謂大全罷起通判台州非也陳譜依續記繫此與宋史合

二年辛酉三十九歲

弟應鳳添差浙西安撫司幹辦公事遷主管架閣文

字按咸淳臨安志載應鳳撰景定二年辛酉五月浙西安撫司僉應鳳壁續記有云應鳳以未至尋授

簡焉又云政正列其義庶幾相規若古僚友早曾授

是職之顯證本傳於詔褒諭之後稱添是職似亦屬

應鳳言也咸淳臨安志又載景定重建廣嚴院記稱

王架閣應鳳撰則主管架閣文字亦足徵信殆同由

詞科進官途則添差遷秩三無不同惟年月無考

添差似非自此歲今姑依撰記年月增繫於此

三年壬戌四十歲

八月赴台州陳譜按家乘云是歲長子良學登第而

京榜亦無良學名凡家乘中如

此類皆不足徵信今盡削之

四年癸亥四十一歲

王深寧先生年譜張十四四明叢書

二月轉承議郎陳譜五月除行太常博士制奉常漢

樂官也博士皆以專經選今惟禮樂是司視成均尤

重且率為緊官要轍之儲爾以詞學進身文譽滋著

亦既任師儒之責矣明禋秩典召而歸之講明圭幣

之文品齊俎豆之事往殫爾職嗣聽異除文字官非

爾誰屬陳譜七月供職陳譜九月辛卯祀明堂為前

導官有宰臣以下賀明堂禮成表據四明文獻集參

禮部郎官草百官箋表博士本紀葉熊按故事

禮部郎屬也故表不稱代 湯漢為少卿與先生

鄰牆居朝夕講道言關洛濂閩江西之同異永嘉制

度沙隨古易蔡氏圖書經緯西蜀史學通貫精微剖

析幽眇漢曰吾闕士良廣惟伯厚乃真儒也錢譜使真

文忠在願同在弟子列會漢髦年力所去遂薦先生

於似道使字以下據延祐志陳譜此附咸淳元年

錢譜附於景定四年寧波府志亦云應鳳為太常博

士湯漢為少卿比屋而居皆失之不考竊按陳氏所

考亦殊未得宋史湯漢本傳云遷太府少卿升太子

諭德改秘書少監疏論臺諫乞休致擢太常少卿補

外為福建安撫改知隆興府度宗即位召奏事授太

常少卿是漢兩除太常一在登極前陳失之不考尤

甚錢譜除太常博士在景定元年因繫於元年陳乃

謂錢譜附四年誤況錢譜及寧波府志均僅云為少

卿據本傳於為太府太常固無年月然府志云會漢

髦年遂薦先生於似道是指漢乞休致時陳直增為

王深寧先生年譜張十五四明叢書

太常少卿尤為失考何若稱少卿以闕疑況至咸淳

元年則似道已因先生撰表驚異何取乎漢薦邪今

依續記繫為太常博士於四年即附繫之仍

稱為少卿而不稱太常庶與傳亦不相悖

五年甲子四十二歲

除行秘書郎制即於祕府職亞南宮非得名流曷稱

厥職爾應麟見聞殫治學殖淵源嘗登詞翰之科則

宜游宏達之林矣雍容冊府蓋將養資望培器業以

大其所成就也賦三都奏二漢無取焉勉爾猷為對

子寵渥陳譜七月甲戌彗星見於柳芒角燭天長十

餘丈自四更從東方見日高方斂凡月餘據宋史詔

天文志詔

求直言先生率同舍五人扣閣上書極論執政侍從

臺諫之罪積私財行公田之害又言應天變莫先回

人心回人心莫先受直言箝天下之口沮直臣之氣

如應天何時直言者多忤權臣故先生及之錢譜文簡略據

傳 八月輪對延和殿有旨繳進 兼沂靖惠王府

教授 九月赴講堂講禮記 遷行秘書著作佐郎

錢譜繫在度宗登極前與曠 〇制書省有位非元元

本本殫見洽聞者不得與於斯文也爾應麟精筆妙

墨蚤擢詞科記事纂言見謂博識文采炳蔚學殖深

王深寧先生年譜

十六 四明叢書 約園刊本

長讀中祕書既並游於東觀攝名表印嘗草奏於南

宮序遷史筵益觀文筆緬懷元豐更官初皇祖大訓

以為非蘇軾不可茲豈直取人於詞藝間哉尙企前

修益培遠業陳譜 十月丁卯理宗崩度宗即位三日

日庚午宰執文武百官詣祥曦殿表請聽政先生兼

攝禮部郎官草百官表撰請御正殿三表據四明文獻集參本

紀 十一月壬申宰政以下日表請視朝故事嗣君

御殿丞相四上表即允一夕百官會臨宮中似道命

省吏致命於臨次曰嗣君入纂大統禮宜加多願郎

中增撰三表先生即臨次具以進錢譜簡略依本紀延祐四明志增又

案錢譜云奉旨增撰陳譜云有旨增撰然增撰賀撰出自似道之意非由度宗不謂之爲旨

冬至節表據四明文獻集增原無年月按文中兩稱甲子明是年表實因附繫於此

推登極改元恩先生轉朝奉郎制生民立君故尊居

於大寶惟辟作福斯溥錫於湛恩茲予一人踐阼之

初是人臣委質之始粵從京秩遞進華階臣事君以

忠宜勤厥職官量能而授嗣選爾勞陳譜 朱貔孫以

華文閣學士知寧國府有代謝華文閣學士知寧國

表據四明文獻集參朱貔孫傳案集中不著所代姓名考宋史朱貔孫傳云度宗即位以舊學故雅

王深寧先生年譜

十七 四明叢書 約園刊本

欲留貔孫使者旁午於道而貔孫辭益力以華文閣

學士知寧國府惟傳中不載年月今依繫即位之年

末 十二月甲辰以上生日爲乾會節撰請上乾會

節名四表據四明文獻集參本紀 草嗣榮王與芮賜詔書不

名依前皇叔太師武康寧江軍節度使判大宗正嗣

榮王加食邑一千戶食實封四百戶據四明文獻集參三朝政要本

紀不載政要 云上帝即位時

度宗咸淳元年乙丑四十三歲

正月戊申乾會節進功德疏撰謝獎諭表據四明文獻集本紀

直學士院馬廷鸞知貢舉有旨攝直學士院陳譜

二月理宗靈駕發引有慰度宗皇帝表慰皇太后表

慰皇后表及理宗靈駕至攢宮安奉又有慰度宗皇

帝表慰皇太后表慰皇后表據四明文獻集趙葵授少傅

先生草趙葵特授少傅依前觀文殿大學士充醴泉

觀使冀國公加食邑食實封仍令所司擇日備禮冊

命制據四明文獻集集中注云二月三日考本紀及宰相表均不載趙葵本傳云咸淳元年加少傅

三月兼權禮部郎官丞相賈似道護山陵禮畢

癸酉乞解機政六字據本紀令作辭表三通吏拱立以俟

先生從容授之以道大驚異案錢諸陳諸均類繫於增請視朝三表後今據

王深寧先生年譜張約園刊本

本紀繫此又甲申葬理宗於永穆陵虞主至行

在羣臣詣殿行九虞祭第一虞至六虞太常卿行禮

第七虞至九虞皇帝親行禮先生撰九虞祭告文九

章據四明文獻集參本紀禮志凶禮一四月考太學補試陳閏五

月兼翰林權直學士院崇政殿說書陳六月經筵

進講周易讀稽古錄陳七月除著作郎制昔神宗

謂著作郎非蘇軾不可聖眷厚矣然軾未嘗一日安

其位其為名表郎為翰林學士則皆元祐初年也爾

種學績文遂登朝列今由少著升大著且一日盡踐

軾所居官望彌厚矣其益以軾之文章節義自勉以

稱予意陳是年程元鳳授少保草程元鳳特授少

保依前觀文殿大學士充醴泉觀使新安郡開國公

加食邑食實封制據四明文獻集本紀宰相表不載元鳳傳在度宗初即位無月日附

年未高斯得兼侍講草高斯得依前起居舍人特

授侍講據四明文獻集參高斯得傳案集目作侍讀刊本誤考本傳作兼侍講至擢翰林知

制始擢侍讀

二年丙寅四十四歲

正月除守軍器少監制朕妙揀臣工分典戎器以詞

王深寧先生年譜張約園刊本

臣領率循神考之規繇望郎進有若阜陵之瞻爾精

採力索殫見洽聞承明著作之庭稽古禮文之事大

易辨問之學兩漢制誥之風為邦之光否爾大雅蓋

國家明政必閒暇之時而器械精能須文學之士已

若茲監以修我戎其課參軍而升擢直忠信為甲冑

可殫武庫之材文章瑞朝廷尚懋儒林之業陳經

筵值人日雪帝問有何故事先生以唐李嶠李乂等

應制詩對帝問以下十因奏春雪過多民生飢寒宜

謹感召陳諸按錢譜在丁命舉廉吏草舉廉吏詔

據四明文獻集參宋季三朝政
要集日旁注詞科二字恐非
升兼學士院權直

陳 三月援淳熙詞臣倪思故事乞免兼禮部郎有

旨依所乞免兼陳 九月轉朝散郎除將作監制梓

慶之論靜心者能為輪扁之言讀書者有取欲觀聖

人之作嘯若匠氏之功以爾振發純英滋漸名訓更

日番入時則賴以質疑三年弗言時則資之作命往

服乃事以修我戎甫茲視朔宜爾陟序朕奉苑囿無

所資益雉監遂號於簡清若室家惟其塗茨鴻業正

思於潤色靡有虛張之繕可以大肆於文直中繩曲

王深寧先生年譜張 二十四明叢書
約園刊本

中規爾尙助予而勸學材有美工有巧朕方用汝以

為良若時超遷爾有殊渥陳 帝視朝謂先生曰為

學要約見古人之心對曰嚴恭寅畏不敢怠皇克勤

克儉無自縱欲強以馭下制事以斷此古人之心然

操舍易忽於眇縣兢業每忘於游衍帝嘉納之既而

輪對言人君防未萌之欲存不已之誠陳 諸祇載輪

傳 十一月賜緋魚袋陳 諸在元年乙丑據續記

十二月先生叔父宗正少卿正甫公拯卒陳 諸

三年丁卯四十五歲

正月己丑朔郊先生為禮部郎官奏解嚴撰擬賀郊

祀禮成進詩表黎明肆赦先生撰郊祀大禮赦文首

詞尾詞案撰擬以下廿四字據四明文獻集 丁酉

奉皇太后寶上尊號曰壽和辛丑皇太后受冊禮先

生以太常博士為前導壽和太和冊寶官參本 禮成

封贈謝氏草謝堂該明堂恩曾祖深甫特贈太師進

封魯王祖渠伯特贈太師追封魏王父奕昌特贈太

師追封魏王母吳氏特贈齊魏國夫人四誥據四明

後傳參謝太 戊申帝詣太學行舍菜禮以曾參孔伋升

王深寧先生年譜張 二十四明叢書
約園刊本

十哲之位配食大成先生撰酌獻曾參鄒國公孔伋

沂國公樂章二首據四明文獻 二月乙丑詔賈似

道專拜平章軍國重事左右相葉夢鼎江萬里皆畏

避去似道亦求去上懷恐不知所以先生在經筵奏

言孝宗朝闕相亦逾年上亟取慰諭之似道大疑上

語安所從得後知從經筵所授深忌之據元祐志參

數語然素重先生語包恢曰我去朝士若王伯厚者

多矣但此人素著文學名不欲使天下謂我棄士彼

盍少思自貶恢以言告先生笑曰忤相之患小負君

之罪大 是月草資政殿學士江萬里上表辭免同

知樞密院事不允仍斷來章批答陳三月兼侍立

修注官升權直學士院錢以明堂恩數轉官據咸淳

被文曰右史王應麟除禮部侍郎然除禮侍乃此年事誤入於彼時也草呂文德依

前少保寧武保康軍節度使荆湖安制置大使屯田

大使兼四川策應大使兼荆鄂州軍州事兼管內勸

農營田使兼侍衛馬軍都指揮使霍邱郡開國公加

食邑七百戶食實封三百戶制據四明文獻集案此

有云稽定郊祀而允集壇稽正月於漢典見宗祖而

躬執禮參元日於唐儀乾度昭清坤儀肅穆聞金支

羽林之樂時則興鼙鼓之思觀玉路辰旂之口時則

念游常之續云云則此制當是明堂恩數轉官也

四月次子昌世生陳譜依家乘附元年今據六月

癸酉美人楊進封淑妃草楊淑妃制據四明文獻

八月輪對陳譜按此見家乘意當乙丑草嗣榮王

進封福王主榮王祀事加食邑一千戶食實封四百

戶仍令所司擇日備禮冊命制據四明文獻集案

十月庚申復開州草賜呂文德收復開州江面肅清

獎諭詔據四明文獻集案本紀增甲戌大雷電據

命令不專姦姦並進卑踰尊外陵內之象當清天君

謹天命體天德以回天心十四字守成必法祖宗御

治必總威福似道聞之益惡斥逐之意遂決陳譜按

雷事在遷起居舍人之後竊疑本傳或與咸淳遺

事同故在十一月錢譜繫四年九月庚申似誤

是月除祕書少監制我朝治合古則燭與景化五星

聚奎之歲兆於文明上帝羣王之府處以儒素爾學

醇而富詞麗以則講論經理諸老生未能言藻繪上

命古訓誥無以過今其命爾貳我書省飾我王度少

達乃從臣之選中禁非他司之比所典領者重對時

嘉遇尙克不欽陳升兼侍講制朕惟我高宗紹開

中興垂精典學爰命臣震貳中祕監執經講幄緝熙

光明之盛垂法萬世朕甚慕焉以爾博綜百氏之籍

自成一家之文代言翫禁以潤色皇猷載筆螭坳以

謹書國典雍容金華之晚席發揮聖人之微言朕日

聞仁義之陳庶幾三益之友是用一日二席陞侍細

旃爾其飽觀天祿石渠之藏數暢義文周孔之祕俾

朕迪我高后之德爾亦與有無窮之聞陳上疏論

市舶不報陳十一月進講毛詩禮記陳除起居

制朕觀一陽

太史友王言

直講昭素之

漢伊昔魯洪

乃一家之懿

典西掖事書

心乎潤色庶幾

罔所愆亦克

轉朝請郎曰制歷

四明叢書

師允賴儒臣之

既徹篇可後復

得聖人之微摛

右成憲之昭明

華序將大多聞

何塵藥石之中

出依壙記移正

附疑俟考竊按

閣門直前奏

侍班

按陳譜有

先生與

命知

所放還

司封郎

1

1

撰主筆

鼓聿刊木

寶和

行端

色無非

林選

於斯

眞逸

1

1

奉大
生慶

府學重建大成殿記後繫銜朝散郎祕閣同修撰知
徽州軍州事兼管內勸農營田事節制軍馬云云錢
諸誤也 以父諱近州名辭免不允陳諸

六年庚午四十八歲

三月先生至徽州任吏部公守郡民稱清白太守先
生始至父老慶曰此吾清白太守子也在郡遵節用
愛人之訓例所不取者悉以予民曰絹曰折帛錢皆
蠲一分先期代納曰布麥錢曰下戶鹽隨衣折斛錢
曰坊場錢銀皆為民代輸又減榷酤月額免折帛茶
租月椿舊欠除免糧錢增活人倉田又以十二萬楮

王深寧先生年譜

王四明嚴書
約園刊本

為平糶本有水旱則以告糶始至郡時帑纔八萬去
之日凡二十七萬陳諸 頒賜正月丁卯御製牧民訓

牧民銘於州廨摹刻上石有謝賜御製牧民訓牧民

銘表進御製石刻摹本表據四明文獻集參本紀 轉朝奉大

夫陳諸 八月洪熹重建慶元府學大成殿撰重建記

錢 刻羅願爾雅翼於郡齋為文序之錢諸 是年嘗

造邑人方回家與談論彌日據方回小學紺珠月

七年辛未四十九歲

先生在徽州任陳諸 正月乙丑皇子昀授左衛上將

軍進封建國公有皇子賜名進封建國公表據四明文獻集

參本 七月除祕書監兼權中書舍人制內史掌王

命外史掌書志職綦重也迺今合二命而畀一儒選

顧不重矣乎以爾學廣聞多筆精墨妙書林詞掖昔

嘗從事於斯矣頃守新安亦既期月治狀云最迭入

為宜茲命領裏大雅之羣仍兼代言之職以蟠胸之

典籍為近古之訓辭顧不美歟陳諸 先是劉克壯湯

漢死服論掌制以先生陳合馮夢得三人為首馮陳

適以故去先生守徽方踰年似道始曰非伯厚不可

王深寧先生年譜

王四明嚴書
約園刊本

因有是召據延祐四明志 先生再辭不允有旨候代據延祐四明志

按本紀是時 十月轉朝散大夫陳諸 解郡組造朝

供職陳諸 書行吏右禮刑房兼國史院編修實錄院

檢討官兼侍講制王人求多聞惟學遜志羣臣示顯

行佛時仔肩茲以爾汲古用功績文覃思太守與我

共理歌乃稭穠大雅於茲為羣職司誥制是維儀鴻

之吉宜侍清燕之間惟大學知修齊治平之方而史
志著古今得失之迹資爾敷繹迪朕就將世南五絕
之稱識其大者祖禹三昧之譽企其齊而陳諸 進講

禮記大學讀九朝通略通鑑綱目陳譜十一月除起

居即仍權中書舍人兼權吏部侍郎制書勳有史莫

重於左坳貳職守曹莫劇於右選其貳厥事取諸其

能爾節勁氣飭學醇才粹東壁圖書之府領袖儒流

中舍冊奏之工黼藻王度望孚已久明陟爲宜迺升

侍極之華仍攝廷臣之要倚相能讀墳典可知紀錄

之公王劇可掌銓衡蓋取品評之審往欽乃職毋遜

前聞陳譜十二月己亥謝方叔特敘復元官職惠國

公致仕有謝方叔特授特進依前觀文殿大學士惠

王深寧先生年譜

元四明叢書

國公致仕加食邑食實封制據四明文獻集參本紀是年草

皆萬壽特授復州團練使知嘉定府兼成都路安撫

副使誥據四明文獻集

八年壬申五十歲

二月癸巳謝方叔卒贈少師草謝方叔特贈少師誥

據四明文獻集參本紀

三月進講禮記徹章賜御製詩天高

地下禮由分聖哲于焉重糾紛心法操存無不敬治

功顯設在斯文會通自可躋明盛品節因知重儉勤

游夏講磨資眾彥精微盡處是尊聞陳譜轉朝請大

夫制禮設莊敬恭儉具存載籍之間學有緝熙光明

允賴羣儒之助屆時竟快懋賞有彝爾業履粹精文

章蔚瞻螭坳載筆仍參讞約之司虎觀談經具有切

磨之益乃若漢儒之禮記無非孔氏之格言三百三

千儀文悉備多聞多見考論無遺雖明道未嘗計功

然用德所以彰善特頒褒頌爰進文階大夫執圭取

彼春朝秋請之義從臣第頌弘我上嘉下樂之規陳譜

六月丁酉有章鑑特授端明殿學士同簽樞密院

事誥據四明文獻集參本紀

七月書行吏左戶房陳譜

元兵

王深寧先生年譜

元四明叢書

久圍襄樊上疏極言邊事經筵指陳成敗順逆之說

且曰國家所恃者大江襄樊其喉舌議不容緩朝廷

方從容如常時事幾一失豈能自安時朝廷無以邊

事言者帝不憚似道復謀斥逐之

陳譜附七年卒未非據本紀本傳繫

此九月祀明堂攝左相進玉幣爵陳譜丁丑陳太

碩人卒先生丁母憂歸居於鄞錢譜

九年癸酉五十一歲

六月撰輯周易鄭康成注錢譜

十年甲戌五十二歲

七月癸未嘉國公即位錢十二月服闋先生詣臨

安造朝按陳諸造朝在明年四月而二月又有云二

集中如高達授少保制本紀在二月加張世傑授保

康軍使制唐震贈華文制在三月則二三月皆在按

錢譜以為三月服闋亦未台

恭帝德祐元年乙亥五十三歲

正月葉夢鼎上封事特授醴泉觀使兼侍讀不拜草

葉夢鼎特授醴泉觀使兼侍讀依前少傅觀文殿大

學士信國公加食邑食實封制據四明文獻集以

黃萬石為江西制置使草黃萬百依前資政殿學士

特升江西制置大使兼江西轉運使據四明文獻

通鑑草顯謨閣直學士兩淮制置使知揚州李庭芝

築城獎諭詔據四明文獻集按本紀李庭芝築清河

年八月惟是時先生服未及禫安有當制草詔之事

而庭芝別築他城則本紀及傳無考豈下詔在隔年

歟姑附正李庭芝制置淮東擢陸秀夫為參議官草

陸秀夫特授淮東提刑兼淮東制置使參議官據四

明文獻集參陸秀夫傳按陸秀夫傳云咸淳十年

擢參議官或賜詔在隔年歟姑附正月末俟考

使馬步軍都總管府兼知江陵軍府事兼管內勸農

營田使節制知本府屯戍軍馬固始郡開國公加食

邑食實封制據四明文獻草孫虎臣授清遠軍節

度使加食邑食實封制庚申賈似道潰師江上畿

甸震動丙寅趣文天祥入衛草賜文天祥詔庚

午令夏貴以所部兵入衛草賜夏貴詔令督萬壽

將兵入衛草賜督萬壽詔以上均據四明時朝士

多棄去侍從班惟楊文仲留詔旌二階文仲疾甚句

祠命知漳州草楊文仲特授集英殿修撰知漳州詔

文仲三上章乞休致改知泉州呂大圭知漳州草

呂大圭特授祕閣修撰知漳州詔據四明文獻集

三月除中書舍人兼直學士院制彩筆代言地莫重

於修省王堂揮翰職尤重於北門妙選一儒俾當兩

制朝請大夫王應麟若古吉士為今聞人蘊藉宏深

富諸子百家之學文章爾雅有三代兩漢之風頃嘗

典於絲綸見謂工於補敝矧當事機倥傯之會茲乃

詞命填委之時惟詔可以回迷民惟詔可以戢悍卒

惟立馬一揮之制各得其體惟狡兔三穴之語切中

其機茲惟汝能不匿厥指昔在元祐軾以紫薇而掌

禁林粵若建炎藻以披垣而兼翰苑罔俾專美其昌

斯文陳庚辰草唐震特贈華文閣待制印應雷特

贈端明殿學士誥據四明文獻集參本紀乙酉加張世傑保

康軍節度使草張世傑特授保康軍節度使左金吾

衛上將軍浙西制置副使兼知平江府仍舊帶行樞

密都承旨揚州駐劄御前諸軍都統行樞督府總統

一應軍馬加食邑食實封制據四明文獻集參本紀贈江萬

里太傅益國公草江萬里特贈太傅誥據四明文獻集參本紀

王深寧先生年譜張三四明叢書約圖刊本

傳是月陳宜中起復劉黻草劉黻起復授端明殿

學士知慶元府沿海制置使誥據四明文獻集參本紀

撰知慶元至何道草文天祥特授集英殿修撰都

承旨依舊江西安撫副使誥據四明文獻集參本紀

四月內殿奏對暫權給事中吏部尚書兼掌外制

書行吏左戶兵刑房陳正謝賜紫金魚袋兼同修

國史實錄院同修撰兼侍讀制朕監於成憲惟敦學

積厥躬佛時仔肩以光明示我德妙東多聞之彥俾

居勸誦之班朝請大夫試中書舍人兼直學士院新

兼同修國史實錄院同修撰賜紫金魚袋王應麟高

明而沈潛閎通而博雅造詣得儒先之奧游夏淵源

文章為時人之宗卿雲河漢豈惟言語妙天下方將

仁義陳王朝爰躋進讀之聯庶幾納誨之助昔蘇軾

之在西掖嘗侍邇英而德秀之入翰林亦兼經幄此

乃我朝崇儒之意而況新政訪落之初懋乃嘉猷光

乃前哲正心誠意之說朕所欲聞陳善責難之恭爾

所素講殫爾忠藎輔我緝熙陳上疏陳十事曰急

征討曰明政刑曰厲廉恥曰通下情曰求將材曰練

王深寧先生年譜張三四明叢書約圖刊本

軍實曰備糧餉曰舉實才曰擇牧守曰防海道且言

圖大患者必略細故求實效者必去虛文請集諸勤

王之師厚賞以作氣惟能戰斯可守陳甲辰以高

斯得言加贈江萬里太師諡文忠草江萬里特贈太

師誥據四明文獻集參本紀乙卯本紀在五劉師

勇復常州以姚訔知常州草姚訔特授帶行太府寺

丞依舊知常州誥據四明文獻集參本紀己酉命劉師勇守

平江草劉師勇特授左武大夫依前濠州團練使帶

御器械平江府駐劄諸軍都統制誥據四明文獻集參本紀

丙辰詔夏貴入衛草賜淮西制置大使夏貴獎諭詔

草夏松特贈保康軍節度使誥據四明文獻集參本紀李

庭芝率所部郡縣城扼守日調苗再成戰其南許文

德戰其北姜才戰其中將士用命丁卯加李庭芝參

知政事草賜李庭芝獎諭詔草李庭芝特授參知政

事依舊淮東安撫制置大使兼知揚州淮西策應大

使誥 草姜才依前右武大夫特授揚州防禦使依

舊建康府駐劄御前諸軍都統制誥草許文德特授

揚州觀察使依舊知淮安州淮東安撫使兼淮東策

王深寧先生年譜張 三西四明叢書 約園刊本

應使誥草苗再成特授拱衛大夫依前知口州防禦

除帶行御器械知真州誥以上均據四明文獻集參本紀李庭芝傳五

月甲戌命李庭芝津遣賈似道歸身終喪草責諭賈

似道終喪詔據四明文獻集注五月四日按是月辛未朔己卯草王柏

特贈承事郎誥 加張珏檢少保知重慶府草賜四

川制置使兼知重慶府詔 庚寅草勉諭王燾陳宜

中詔據四明文獻集原丙申遣使以元兵至告天

地宗廟社稷撰遣守臣走告南嶽奏告滁州端命殿

太祖皇帝神御文 己亥草趙與穉特贈朝請郎直

華文閣誥 六月庚子朔日有食之既晝晦如夜星

見雞鷩皆歸十一字據宋史天文志草日食求言詔據四明文獻集詔又

見三朝 應詔言答天戒五事陳備禦十策錢進

讀三朝寶訓陳丙午言開慶之禍始於丁大全凡

大全之黨在謫籍者皆勿宥從之據本己酉繳還

章鑑曾淵子錄黃言韓震為逆二人實庇之且淵子

比翁應龍致有逸罰又嘗竊府庫金以遁庚戌削鑑

一官放歸田里淵子再削一官徙吉州誅翁應龍籍

其家據本甲寅王燾請相留夢炎乞以經筵備顧

王深寧先生年譜張 三西四明叢書 約園刊本

問陳宜中請相夢炎乞祠草王燾依前少保特授平

章軍國重事一月兩赴經筵五日一朝仍赴都堂議

加食邑食實封制草陳宜中特授左丞相依前兼樞

密使都督諸路軍馬加食邑食實封制草留夢炎特

授宣奉大夫右丞相兼樞密使都督諸路軍馬加食

邑食實封制據四明文獻集參本紀己未草加李庭芝知樞

密院事兼參知政事誥李庭芝妻徐氏特封永國夫

人誥據四明文獻集參辛酉草賜利西路安撫副

使兼知涪州楊立詔據四明文獻集集注家鉉翁

依前直華文閣樞密副都承旨特授知臨安府浙西

安撫使話據四明文獻集參庚申復繳還曾淵子

貶吉州錄黃癸亥貶韶州紀據本七月除試尚書禮

部侍郎兼中書舍人兼書行吏右制朕宏濟時艱旁

求眾正夷典朕禮所以立天下之經說代予言所以

見王者之志於昭並命允謂得人朝請大夫試中書

舍人兼直學士院兼同修國史實錄院同修撰兼侍

讀賜紫金魚袋王應麟肅括而宏探高明而篤實銅

川之傳遠矣厥有淵源鐵筆之操凜然不滑涇渭屬

王深寧先生年譜張三十四明叢書

更大化服在邇聯其文字可獨行於中朝其論奏可

昭示於當世以崇禮勁節並燭偃月之姦以黜藻偉

詞潤色中天之業若疇時望進貳春卿俾綸掖之兼

行示彙班之增重粵若穆陵之初政惟時建水之名

儒未及分六省之書已擢置少常之列迺今併錫視

昔有加疊五組其輝扶若餘刃之恢拓噫禮信之士

則被廬伸蒐討之威赦令之孚則山東與忠憤之感

體予至意懋爾遠猷陳譜原注兼給事中黃鑄行

辭免不允制朕當國事多艱之時命卿貳春官掌西

掖豈緩於武而急於文哉昔人謂班朝治軍非禮威

嚴不行詔書之下能令武夫悍卒感泣文事必有武

備豈不信然卿文行粹明論奏剴切足以折姦朋之

鋒植善類之幟卿其為朕辨上下之分以肅軍容敷

心腹之告以作士氣渙號已敷需章為贅所辭宜不

允陳譜原注給庚午朔江西制置黃萬石移治撫

州詔還隆興府甲戌草勉諭江西制置大使黃萬石

置司隆興府詔據四明文獻先生請移賈以道鄰

州甲戌移婺州丁丑徙建寧府權直舍人方應發封

王深寧先生年譜張三十四明叢書

還錄黃乞貳之嶺南先生與黃鑄又言之不從據賈

傳參本紀辛巳草賜夏貴詔據四明文獻集原癸巳

以夏貴知揚州召李庭芝赴行在夏貴不受代李庭

芝閉門自守草賜李庭芝詔據四明文獻集參王

煥喉京學生劉九皋等言陳宜中擅權書宜中徑去

遣使四輩召之壬辰下九皋於臨安獄癸巳草賜左

丞相陳宜中勉諭詔據四明文獻集參薛積通丁

酉草賜淮東制置大使李庭芝詔據四明文獻集原

戊戌遣使召陳宜中還朝草再賜陳宜中詔據四

獻集參 是月與右史徐宗仁乞追復饒虎臣原官

得旨守資政殿學士致仕據饒虎臣傳按傳稱禮部侍郎不得其日姑繫於此

草汪立信特贈正奉大夫誥據四明文獻集 八月正謝

賜金帶陳 壬寅加夏貴樞密副使兩淮宣撫大使

草夏貴授兩淮宣撫大使知揚州依前開府儀同三

司寧武軍節度使左金吾衛上將軍樞密副使兼侍

衛馬軍都指揮使加食邑食實封制據四明文獻集參本紀

陳宜中以母老辭回永嘉丁巳遣使召還草勉諭陳

宜中詔據四明文獻集參本 加張世傑神龍衛四

廂都指揮使總督府諸兵草張世傑依前保康軍承

宣使帶行樞密都旨特授龍神衛四廂都指揮使誥

據四明文獻集參本紀 草獎諭張世傑詔據四明文獻集 戊午趙

淇除大理少卿先生封還錄黃言昔內外以寶玉獻

似道淇兄弟為甚己未遂罷之據本 甲子以文天

祥為浙西江東制置使兼知平江府草文天祥依前

權工部尚書都督府參議軍事江西安撫使特授浙

西江東制置使兼知平江誥天祥辭免草賜文天祥

辭免不允詔據四明文獻集參本紀 庚申草張起巖依前武

功大夫復州團練使特升除帶御器械知夔州兼夔

路安撫副使誥草賜知夔州張起巖獎諭詔據四明文獻集

原注八月二十二 是月草楊立依前右武大夫加

口州觀察使依舊知涪州誥據四明文獻集 九月辛未加

田謹賢福州觀察使楊邦憲利州觀察使趣入衛草

田謹賢特授親衛大夫福建觀察使依舊知恩州兼

御前諸軍都統制誥楊邦憲特授親衛大夫利州觀

察使依舊知播州兼御前諸軍都統制誥據四明文獻集參本

紀 辛巳有事於明堂先生以禮部侍郎祗祿濯九

王深寧先生年譜 張 五 四 明 嚴 書

成黎明肆赦撰明堂大禮赦文首尾詞據四明文獻集原注九月

十四 以明堂恩數加封鄞縣開國伯食邑九百戶

制嗟臣工而助祭清廟所以頌於周崇禮官而考文

明堂所以圖於漢若稽古誼肇舉宗禋維時持橐之

英相我越紉之事肆均駿惠式協慶餘朝請大夫試

尚書禮部侍郎兼中書舍人兼直學士院兼同修國

史實錄院同修撰兼侍讀賜紫金魚袋王應麟心正

而氣和學博而識茂欽子時命皆暨典詔之文咨汝

秩宗非屑玉帛之末屬中辛之饗報於先甲以思恭

發帝之制則爾潤色於皇猷酌時之宜則爾討論於
玉律於昭穆穆皇皇之祀爰賴元元本本之儒矧侍
祠而肅然咸秉聰而對越神人歡洽祉福函蒙於邑
始封惟祭有澤伯之食四一茲循六典之規禮之儀
三千其懋中庸之學陳譜推明堂任子恩子昌世授
承務郎 草常楨特授端明殿學士提領戶部財用
誥據四明文獻集參常楨傳已丑弟應鳳由淮西
制置司參議官九字據成以文天祥薦召為太常博士甫入國門而卒所著有默齋稿及訂正三輔黃圖

王深寧先生年譜

四十四明叢書

所著以下據浙江通志 按陳譜此繫咸淳四年據
陳合撰公母陳太碩人墓銘為咸淳九年云應鳳官
至朝奉郎太常博士先五年卒家乘所載為信竊按
家乘陳譜謂其不足據此依家乘非也登科錄載應
鳳在寶祐四年時二十七歲其卒年則四十六其非
咸淳四年卒明矣文信國在四年適為似道劾罷至
九年始為湖南提刑彼時安有薦除陳合墓誌謂先
五年卒者太碩人先應鳳五年而卒非應鳳先陳太
碩人卒也蓋謂與先生為雙生子故必謂卒在四年
而實未合至謂詞科漢郡縣山川風俗記為所著書
則尤失之今依 庚寅草孫虎臣特贈太尉誥據四
錢譜附繫於此明文
獻集參 是月草李芾特授祕閣修撰樞密副都承
旨依舊知潭州兼湖南安撫湖北鎮撫使詔據四明
文獻集
十月辛亥以加張世傑為沿江制置副使兼知江

陰軍兼浙西策應使草張世傑依前保康軍承宣使
樞密副都承旨特授沿江制置副使知江陰軍兼浙
西策應使誥草勉諭張世傑誥據四明文獻
集參本紀戊午
奏請立濟王後加封賜諡陳譜是月草楊立特授翊
衛大夫依前口州觀察使升帶行御器械知涪州據
四明文獻集
十一月庚午草陳文龍特授同知樞密兼權
參知政事誥據四明文獻
集參宰相表癸酉草尹玉特贈濠州
團練使麻士龍特贈高州刺史誥據四明文獻
集參本紀草
張起巖特授寧遠軍承宣使龍神衛四廂都指揮使

王深寧先生年譜

早二四明叢書

依舊知夔州兼夔路安撫副使誥據四明
文獻集除兼禮
部尚書辭免不允制周官有宗伯大小之職大禮則
小佐大之事小禮則大如小之儀大者倡而小者隨
大者專而小者貳也卿博學之識貫穿九流渾灝之
文斧藻兩制言論雖歸於忠厚封駁不避於權豪爰
陟貳卿禮典具備俾攝常伯民譽必隆周官大小之
職悉以付卿昔叔孫不憚口口之難虞廷不聽秩官
之遜亟其祗受奚以辭為所辭宜不允陳譜案錢譜
繫十一月陳
譜移十月然辭免兼給事中本紀在甲申日若在十
月似不應隔二十餘日始有辭免不允之事今雖不

得其日仍依錢 甲申除禮部尚書兼給事中辭免

諸附十一月 不允制朕未有識知博采羣英孰司禮如珪之賢負

台斗望孰批敕如藩之正號宰相材以卿學質而文

華行端而履潔在詞垣則封駁有直氣居從列則獻

納多嘉謨是用酌之僉言賁以二命能貳秩宗必能

長寅清之職能還詰命必能專封駁之長鎮之執五

詔如初軾之陳六事有益佇聞忠告何媿前修矧國

家艱難之時非臣子辭遜之日亟祇成渙毋事冲謙

所辭宜不允 陳譜原注兼權中書舍人方應發 撰時翰苑獨員並送西掖草詔 辭

王深寧先生年譜 張 聖三四明叢書 約園刊本

兼中書舍人從之 丙戌贈濟王太師尚書令進封

鎮王諡昭肅令福王與芮擇後奉祀賜田萬畝 據本紀

遣先生致祭撰祭濟王文 據四明文獻集 兼攝吏部尚書

草翁合特授試尚書禮部侍郎誥 據四明文獻集 草趙

孟傳特授華文閣直學士沿海制置使知慶元府誥

癸巳以張世傑為浙西制置副使兼知平江府草

張世傑特授保康軍節度使左金吾衛上將軍浙西

制置副使兼知平江府仍舊帶行樞密都承旨揚州

駐劄御前諸軍都統行樞督府總統一應軍馬加食

邑食實封制 據四明文獻集參本紀 左丞相留夢炎用徐囊

為御史時江陵制置司朱禕孫江西制置司黃萬石

皆北降夢炎猶除拜二人先生繳奏曰囊與夢炎同

鄉有私人之嫌萬石麤戾無學南昌失守誤國罪大

今方欲引以自助善類為所搏噬者必攜持以去吳

浚貪墨輕躁豈宜用之況夢炎舛令慢諫讜言勿敢

告今之賣降者多其任用之士疏再上不報出關俟

命再奏曰因危急而紊紀綱以偏見而拂公議臣封

駁不行與大臣異論勢不當留疏入又不報甲午遂

東歸 陳譜參本紀 十二月丁未遣中使譚純德以翰林

學士宣召識者以為奪其要路寵以清秩非所以待

賢士先生以力辭不赴 錢譜識者下二 十五字據本傳

二年丙子五十四歲

是歲宋亡先生杜門不出朝夕坐堂上取經史諸書

講解論辨子昌世甫十歲 陳譜作十二歲 依墓誌銘 聽受無倦自

是昌世於名理經制治道之體統古今禮典之因革

殊聞異見靡不悉究 自是以下據黃 三月乙亥日

元兵至鄞袁鏞與戰死作悼袁進士鏞詩 據四明文獻集參蔣

袁高撰 是歲戴表元執弟子禮來受學據清容集

袁鑑傳 誌竊按墓誌云咸淳辛未授建康府教授在建康以

言語筆札為已任後二年中秋歸時王公應麟師表

一代先生獨執弟子禮竊謂其稱在建康則當壬申

至乙亥遷臨安府教授其後二年失秩似當在丙子

元世祖至元十四年丁丑五十五歲

袁洪遺其子桷來受業桷年十二歲五字據至

下十年五字據清容集 ○按錢陳二譜均繫二十四

又按錢氏疑年錄稱桷生咸淳三年丁卯吳修謂南

里集伯長生咸淳二年丙寅竊考清容集先夫人行

述及外祖母張氏墓誌皆自敘生於丙寅夏六月

是丙寅年生之說為確自丙寅至此年正十二歲

十五年戊寅五十六歲

王深寧先生年譜張 四西四明叢書

十六年己卯五十七歲

十七年庚辰五十八歲

八月著通鑑地理通釋成錢譜 案本傳作十

歲長子良學卒官至兩浙運幹年三十三陳

十八年辛巳五十九歲

五月著漢制考成錢譜 按本傳藝

十九年壬午六十歲

作四明七觀錢譜 案文見鄞縣志三千餘言袁桷

書為七 觀帖 作乾道四明圖經辨證據四明

二十年癸未六十一歲

二十一年甲申六十二歲

二十二年乙酉六十三歲

二月夢前宰輔錢譜云謂以太學所上書求作跋語

寤而識之以詩案宜中在太學上書攻丁大全大全

季三朝

二十三年丙戌六十四歲

正月著踐阼篇集解錢譜 案藝文志作一

孫為慶元儒學正以通家子執疑證訛請益於門時

教授某恣睢自負語侵先生昭孫憤然疏其謬誕數

十事鳴於憲府據清容集孔昭孫墓誌銘 案誌稱

已辨其非殆傳鈔刊本之誤今已莫可考證然文中

二十四年丁亥六十五歲

四月作舒文靖先生璘廣平書院記案陳譜繫德祐

有乙亥二字也然文中云文靖先生晚始對策與教

象山縣庠德祐初元歸老故里題戶丹曰廣平書塾

先生歿門人有像祠於塾與飾堂序云云其非德祐

乙亥可證矣乙字當是丁字之誤今姑移繫於此以

二十六年己丑六十七歲

是歲台州胡元紱創建寧海赤城先生羅德業祠作

赤城書堂記據台州府志

二十七年庚寅六十八歲

城中握蘭橋旁民家穿土得誌石一片其文乃唐開

成四年太原王夫人之墓文謂其曾祖王元浩錢陳

鄞縣志引宋詩紀事作浩在玄宗時拜諫議大夫左庶子纂集由

之志辭疾不就作詩紀之錢奉化令丁濟重修社

稷壇作奉化社稷壇記陳

王深寧先生年譜

四明叢書
約園刊本

二十八年辛卯六十九歲

是冬肅政廉訪副使陳祥分治慶元路慕先生名德

屢為造廬式之時先生閉門不納客為之尊禮開說

俾學者師事之錢諸案時字下二十字據陳祥造

船十有四聯貫巨纜寧波府志修州治城東東津浮橋作

修東津橋記據四明志案原文云由長慶癸卯迄今四百六十九載因繫是年

二十九年壬辰七十歲

三月山長曹漢炎倡建書院於慈湖先生楊文元舊

宅故址成作慈湖書院記錢四月作觀文殿學士

史宇之墓誌銘據四明文獻集八月作奉化縣重修縣治

記錢九月慶元路肅政廉訪使陳祥重建儒學成

作慶元路重建儒學記陳祥建醫學成作慶元路建

醫學記錢

三十年癸巳七十一歲

八月陳祥建鄞縣儒學成壬寅作鄞縣重建儒學記

修義田莊先賢祠堂成作先賢祠堂記錢諸繫甲午

文無年月惟文中有云自紹熙庚戌迄今百有四年則在癸巳是有顯證錢蓋因狄桂所建祠堂記亦稱

先賢祠堂記誤以彼重錄四明七觀舊稿跋藏於

王深寧先生年譜

四明叢書
約園刊本

篋案七觀跋云余頗識鄉里故事年六十始克為之後十年篋中得舊稿不忍棄錄而藏之

三十一年甲午七十二歲

十二月丙子狄桂屬郡博士戴友復九先生祠祀甲

午作先賢祠祀堂記並作九先生傳據延祐四明志按九先生為楊

適杜醇王致樓郁王說是歲先生與舒闡風劉正

仲陳西麓相倡酬於梅墟陳氏之世綸堂輯為世綸

堂雅集詩卷據全謝山句餘土音有洛社耆英之遺

意據清客集

成宗元貞元年乙未七十三歲

二年丙申七十四歲

正月廉訪使完顏貞改建九先生祠堂於鄞縣尊經閣之右作九先生祠堂記

錢 六月十二日戊申先

生卒先期自為墓銘

伯厚甫字也其先浚儀人居鄞自曾大父始也遺民

不忘舊也世系則先君吏部正先妣陳碩人誌銘

可見也先君擢第之歲與弟太常博士應鳳生同日

嘉定癸未七月也學以先君為師伯仲自為友閉門

讀書不妄交也年十九第進士乙科淳祐辛丑也年

三十四以博學宏詞擢用寶祐丙辰也初仕衢州西

安簿監戶部百萬倉主官浙西提舉常平鹽茶帳司

添差浙西安撫司幹辦公事登朝出為添差通判台

州以祕閣修撰知徽州此在外所歷之官也始入朝

主管三省樞密院架閣文字國子錄武學博士太常

寺主簿又為太常博士祕書郎兼沂靖惠王府教授

著作佐郎兼禮部郎翰林權直崇政殿說書遷著作郎

軍器少監陞學士院權直遷將作監陞權直學士院

兼侍立修注官遷祕書少監兼侍講遷起居舍人兼

權中書舍人又召為祕書監兼中書舍人兼國史院

編修實錄院同修撰兼侍讀遷禮部侍郎兼中書舍

全笑憾而在立之報有婉於古之人也銘曰學古而
迂志壹而愚其仕其止如倕如圖不足稱於遠老或
庶幾乎守隅歸從 十二月辛酉葬於鄞縣東四十
先人戰兢免夫 五里同葬 陳譜云舊 子昌世作墳記 宋吏部尚書王
公墳記文曰先生王氏諱應麟字伯厚世居開封之
祥符曾大父諱安道武經大夫保信軍承宣使轉和
州觀察使始居四明之鄞縣妣陳氏龍氏並贈宜人
大父諱希亮朝散大夫妣張氏封宜人父諱擢朝請
大夫吏部郎中兼崇政殿說書累贈正奉大夫妣陳
氏封太碩人先公於嘉定十六年七月庚午與叔父
太常博士諱應鳳生同日登淳祐元年進士第授迪
功郎衢州西安縣主簿八年差監戶部平江府百萬
東倉明年升從事郎十二年差浙西提舉常平茶鹽
司主管帳司是歲丁吏部公憂寶祐三年服闋差揚
州學教授四年中博學宏詞科有旨升擢添差浙西
安撫幹辦公事五年主管三省樞密院架閣文字除

王深寧先生年譜 張 四明叢書

王深寧先生年譜 張 四明叢書

國子錄宣教郎六年除武學博士開慶元年除太常
寺主簿景定元年轉奉議郎添差通判台州四年轉
承議郎召為太常博士五年除行祕書兼沂靖惠王
府教授遷著作佐郎度宗登極轉朝奉郎攝直學
士院權禮部郎官兼翰林權直兼崇政殿說書遷著
作郎二年除守軍器少監升兼學士院權直轉朝散
郎遷將作監賜緋魚袋三年兼侍立修注官升權直
學士院遷祕書少監兼侍講遷起居舍人兼權中書
舍人經筵徹微五年仍舊職差知徽州吏部公舊治也
六年轉朝奉大夫七年召為祕書監權中書舍人兼
國史院編修官兼實錄院檢討官兼侍講遷起居
兼吏部侍郎八年經筵徹微章轉朝請大夫兼直學
院兼同修國史實錄院同修撰兼侍讀賜紫金魚袋
遷禮部侍郎兼中書舍人權禮部尚書兼給事中攝
吏部尚書以明堂恩封鄞縣開國伯食邑九百戶自
是歸詔田里逾二十年號深寧叟以元貞二年六月
戊申卒於正寢享年七十有四嗚呼痛哉娶鄭氏繼

娶李氏先卒並贈碩人繼舒氏封碩人子男二長良學承務郎兩浙運幹羅買官先公十六年卒次昌世女二長適通仕郎史萬卿次適通仕郎戴泳蚤卒孫男文遠曾孫男二林孫去疾女一昌世不孝忍死將以是年十二月辛酉奉遷窆於陽堂鄉同喪之原從祖父兆先志也葬日薄謹述官爵始末以識罔極之痛云孤子昌世泣血謹記

所著書目 案元阿殷圖楚堂云先生著述之書逾三十種今之存者未得及半其年月略可稽者已按年附繫故

復列書目如左

古易考一卷 佚見袁桷師友淵源錄又見浙江通志引經義考此種宋史本傳藝文志均不載

周易鄭康成注 存見前宋志傳均不載

王深寧先生年譜 張 五十四明叢書約園刊本

詩考一卷 存宋史藝文志本傳均作五卷經義考云六卷序文見四明文獻集稱詩考語略

尚書草木鳥獸譜 佚見倪燦宋史藝文志補無卷數

詩地理考六卷 存宋史藝文志本傳甬上者舊傳均作五卷按志傳稱五卷或以詩譜地理考附末

不列卷數

詩辨 佚見倪燦宋史藝文志補無卷數

詩草木鳥獸蟲魚廣疏六卷 佚見宋史藝文志浙江通志此種本傳不載經

義考詩上有毛字

補注王會篇 存見本傳而藝文志不載舊鄞縣志作王會九州異物賦會解經義考作周書

王會解

集解踐阼篇 存見前

春秋三傳會考三十六卷 佚見宋史藝文志浙江通志此種本傳不載

論語考異二卷 佚見浙江采集書目鄞縣志此種宋史志傳諸書均不載

論語鄭康成注二卷 或謂為惠氏陳僞託未詳

孟子考異一卷 佚見浙江采集書目鄞縣志此種宋史志傳諸書均不載

六經天文編 存

漢藝文志考證十卷 存宋史本傳志不載

通鑑答問四卷 存至正四明志作五卷

通鑑地理考一百卷 佚見宋史藝文志本傳

王深寧先生年譜 張 五十四明叢書約園刊本

通鑑地理通釋十四卷 存見前

漢制考四卷 存見前

困學紀聞二十卷 存

筆海四十卷 佚見宋史藝文志本傳

玉海二百卷 存

蒙訓四十四卷 佚見宋史藝文志而本傳作四十卷書錄彙考李振裕刊本道光府志俱作七卷

小學紺珠十卷 存

小學諷詠四卷 佚見宋史藝文志本傳

補注急就篇六卷 存

姓氏急就篇二卷

詞學題苑四卷

佚見宋史本傳

詞學指南四卷

存先生應詞科六題及詞學所業諸作均載是書四明文獻集采之其目今不具錄

又按鄞縣志以四明文獻集為先生著作然集本鄭真所輯非先生一家言今皆佚僅存先生詩文五卷國朝陳漁珊張鐵峯摭拾他書排纂增三卷合梓之題深寧先生文鈔實則非其舊也故均不入所著書目

壽鏞案四明文獻集今皆佚一語非也余依南潯張氏鈔本鈔得二卷

玉堂類稿披垣類稿四十五卷

佚案墓誌稱再入翰苑三入披垣制稿凡四十五卷延祐四明志亦作內外制四十五卷宋史本傳作玉堂類稿二十三卷披垣類稿二十二卷四明文獻集選采數十篇餘文皆佚而二書先生自識跋語集中猶存一在卷四一在卷五今以史傳核考

王深寧先生年譜

張至四明叢書

年月依次附繫其無年月可繫者尚有仲秋朔汎吳山忠清廟設醮青詞隆興府靖安縣管下利澤昭應普安王屈平特封利澤昭應普安清祐王誥荆門軍玉帛寺壯繆義勇武安英濟王特封忠壯義勇武安英烈王誥

深寧集一百卷

佚見宋史本傳而藝文志不載延祐四明志作文集八十卷全謝山云一百二十卷未詳各志及四明文獻集諸書所載凡有年月之文皆依次附繫其無年月者有代饒禮侍謝大中大夫表德潤齋記詩考語略序跋袁紹齋答舒和仲書史鄧州墓誌越大夫贊○以上見四明文獻集○天興廟記吳刺史澤民廟記澤民廟詩七古○以上見鄞縣志○寶慶寺記李猷傳諸經通義序戴氏桃源世譜保傳序史獨善先生文集跋書王庭秀磨納集後鄭鏞周禮解義題辭八賢贊○以上見深寧文集披餘篇又案北江詩話陽湖莊刺史所博學能文生平墓深寧品學輯其文多至數卷未

見

昌世先生次子以恩蔭補承務未及祿而宋亡

錢人皆稱為承奉公

王厚孫字昭甫幼端粹韶齡時佗然不屑與羣兒狎長益純慤視貴游華靡事漠如也

黃潛撰墓誌銘入元弗杜游其門者多老成博雅之士

浙江通志王厚孫傳

先生所著述蒐輯考訂贊助為多蓄書萬餘卷燬於火露鈔雪纂至忘寢食書以復完為文一發於本實世俗風情月狀語皆所不道尤精易筮占驗如前知先生名重當世謂宜錄其嗣人

王深寧先生年譜

張至四明叢書

以表盛德薦章交上力辭曰士之大節嗣守為難敬身所以敬親肥遯所以無不利矧以介直之資與世寡諧倘得讀父書求己志以畢此生足矣不願乎外也平居不自表襮與人交無鉤距亦不苟為阿附

黃潛撰墓誌銘

大德辛丑欲廣傳先生遺書以成先志俾張仲友屬牟應龍序小學紺珠以付梓

牟應龍序

至治二年八月又遺書應龍曰吾父平生書

最多惟困學紀聞尤切於學者今以其書視子幸

為序所以作之之意泰定二年肅政司副使馬速

忽僉事孫楫助以入梓因學紀泰定四年卒年六

十一子二厚孫寧孫黃潛撰墓誌銘著有靜學文集稿二

十卷鄭縣志

厚孫字叔載幼而知學八歲能賦詩讀書日記數百

言十歲已竟論孟詩書禮記并閱深寧集習經義

詞賦操筆立就鄉先生王叔蘇趙孟何戴表元聞

而異之因就見焉治詩得舒璘李元白原委久益

充積博治人多咨問之袁桷自翰林歸問所學對

曰近惟讀書記衍義正宗意有所得以其明潔縝

王深寧先生年譜

四明叢書
約園刊本

密有成法易知而可守也因言世之學者稍涉朱

子數書輒詆淳熙然諸老與朱子同時其言論雖

不盡合而博聞實踐為所推許今乃藉口理學以

文寡陋漸成虛誕之風宜懲其弊桷著四明志分

撰二考與論歷代史高下得失甚備桷歎曰先師

之道茲不墜矣嘗為郡庠訓導演說名理辨析疑

難朔望取四書五經關世教者為之直說抑揚反

覆聞者悚然三試不偶棄舉子業用詞學體為古

文本之三代兩漢博以唐宋諸家廉訪副使署郡

直學辭職牟應龍言之乃就拔授象山教授調浦

江教諭踰月即去官歸奉母時李國鳳以便宜用

遺逸署衢州路教授復薦除邵武路教授福建分

省又升為儒學副提舉皆不赴貝瓊撰墓誌銘至元中以

先生所著玉海臺失後復得降指揮於慶元路刊

刻至正三年阿殷圖塾堂知其多闕誤久未訂正

迺屬厚孫重加校訂得誤漏六萬餘字玉海序或讒

袁桷所撰四明志於僉事苦思丁將毀其板厚孫

白王郡守元恭得不毀因屬撰至正續志十二卷

王深寧先生年譜

四明叢書
約園刊本

榮陽外史集 鄉飲酒禮久廢郡守屬與鄭覺民遵儀禮

考訂之晚年益以詩酒自娛論宋季事謂至正史

官多詮次失當且極論陳桷續通鑑之失明洪武

九年卒年七十有七據此則厚孫生於大德四年

二陞錢譜作陸茲據黃潛貝瓊兩墓誌錢譜陸同

子二無同名考黃潛昌世墓誌銘云孫三陞同孫

瞻貝瓊厚孫墓誌銘云長陞次瞻然則同孫或寧

孫子或幼穉已不可考著有遂初稿三十卷貝瓊撰墓誌銘

寧孫字叔遠陳譜案寧孫之字徧考誌載皆作叔遠

名為字可疑錢譜作初治詩後治春秋訂正各傳

異同必格其終始而止其於文章制度尤致意焉

未嘗一造場屋僉事戴東臬按浙東民安其政適

被誣寧孫奮然直之戴復職將薦剡謝不與通

外史集至正三年爲慶元路齋長慶元路王侯後爲去思碑陰

白鹿洞山長無子以兄子陽爲後錢陽二子宗傳

中傳宗傳遺爲陞後

附錄

陳著祭禮部尙書王伯厚文柔兆涪灘之歲孟冬甲辰

契生前進士陳某謹以炙雞絮酒之奠祭於故內翰

王深甫先生年譜

至四明藏書

約園刊本

尙書王公之靈公之聞望北斗泰山公之學問洪河

長江青春大科撼動一世紫霄闊步凌歷兩制凡大

詔令雷風其行凡大典冊日星其光代主之言爲國

之重進而文昌行矣柄用亦旣簡在宵衣之心時不

我與天乎難誰與雲俱飛三島之上言采其薇布衣

蕙帳執經於席問字於庭其淑我鄉幾兩周星誰知

其中難言如海能無知者猶有予在前歲之除去春

之初相看話舊耿耿何如雖不盡言有不盡意余八

十三公七十四自謂予死當居公先公而先之訃音

忽傳季夏聞訃老病憚暑哭於寢外而莫卽路今茲

默暄始獲造門予亦朝露其能久存天高地遠江空

歲晚公公有知歆予一奠尙饗

袁桷廣招深寧先生乘舫上征江海殄瘁湘纍遺痛干

載猶一日也柳車爰行瞻望永隔門人袁桷竊取宋

玉招魂述廣招以反其義其詞曰竊獨悲此翳濁兮

身鞠忍而莫明服三后之貞則兮秉忠純以內兢繩

古義以自抗兮懷微躬之莫勝懼天命之不吾與兮

晚更號以深寧委靈魄於玄宅兮挾清神以上征重

王深寧先生年譜

至四明藏書

約園刊本

華慘其無容分矚下矩之險隘侈九夷之曠逸兮申

前聖之遺戒一去而莫返兮八靈孰能以震駭乃命

小臣戴縑秉旄注精高冥而下招曰茫茫封邱腐豕

萃只炳靈奔飛杳交會只嬋嫣清芬孰返旆只縱橫

幽房雜龐怪只魂兮歸來其益以駭只東門焚煌平

蕪層陰只靈宮紫芝萎以泯只流鈴搖空訴夸淫只

玄蛇蒼鼠若擾馴只魂兮歸來激越吟只蹀躞蹂躪

白蟬飛只滅方壑迂傳致以肥只闕青綴白眩纖奇

只析楊黃華司體儀只魂兮歸來彼相疑只沃隰修

吟鞠薺茂只狂夫冶游胡憺後只南山白石曷以永
年只式擷其薇悵周原只歸來歸來其孰能寐魂只
愁雲旋宇陰籟振幕只素空霏塵清晝激電只虎雉
黃目屏陳設只精鑿後置爛蠹施張只伊鳴仰天雜
猖狂只甘腥恣睢禮不可防只魂兮歸來悉無以當
只魂兮乘桴登瀛壖只海觀日浴爛紅殷只哲客長
裾襲古先只漆書竹簡遂研鑽只崑崙穹隆疑有至
人只妙顏紫韉休德日新只吐珍納和與道爲鄰只
雕題祝髮禮讓興仁只桂蠹咀吞味芳辛只幽蘅嘉
主深寧先生年譜張
辛九四明嚴書
約園刊本

風蛻塵居之險艱兮捨崇蘭之新封墳簾迭其和奏
兮聯雲車以陪乘粲琳琅之遺編兮俾泯絕之足證
匪離羣以自絜兮誠不忍夫驚騁超整駕以言從兮
懼見譏乎後聖揖虛漠而言旋兮耕書田以振厲諒
神明不吾欺兮庶終承乎嘉惠千秋兮靡長白雲兮
相望魂兮歸來其毋我忘也

祭王尙書維年月日以清酌之奠祭于內翰給事尙書
先生之靈曰道大如天學廣如漢企而望之自涯而
返末俗濫觴味彼一貫捨學而言所執愈渙伊洛之

主深寧先生年譜張

辛九四明嚴書
約園刊本

盛嗣於乾淳析仁辨義修己治人先民有訓其言諄
諄稽經探本纂史輯聞匪默以高匪誕以守降于叔
季其弊莫救千士一律躡訛踵陋坐曹清談迎事拱
手文散武萎禮弛樂虧孰據其全以爲國毗篤生我
公是宗是師夫清景溫前旌後麾窮源崑崙寶日扶
桑磅礴萬類眾曷敢當積潤滉漾舒光煒煌探巖排
碕纖巨畢藏若農有秋箱輸廩峙若龍起淵雷震雨
施九招希聲昌歎古味爰薦合宮以享以蒞灌膏養
腴心君清澄讜言訪對屈軼在廷羣疑未決神龜示

靈化被姦饕淳風冷冷天運悠邈公亦永歎學絕道
傾死灰莫然獨行誰傳獨立誰言吾非斯人其誰與
傳翳翳里門易窮三陳拾泣而歌謂天莫聞劒失其
光蘭銷其薰柴桑沈冥王官混淪年已逮耆秉燭繼
晷一柱承天四海仰企蔽牛之陰百草茂美謂享大
臺以淑後士云胡微疾永蛻世塵歲匪龍蛇其理莫
詢訴詞重華蹇茲遺臣曰士之弊逮今弗振桷以蒙
昧請業門下反復可教授以端緒有疑必開有謬必
舉語其平生載出載處冀登斯堂舉觴以祝詎期須

王深寧先生年譜

張

全四明叢書

約園刊本

與望公以哭躑躑小子抵掌掉目哀哀吾儕殞首莫
贖死生之原千古一致瘁躬報德匪哀以旣風雨神
交卻立鬼魅秉心靡渝服義靡墜庶幾公魂慰此耿
特瞰如茲觴之志罔愿拜手薦公公其來格矢詞致
誠有淚俱滴尙享

袁桷輓王伯厚先生詩云秋水孕雙蓮英英吐異芬詞
章納雲夢禮樂定河汾丹詔三軍泣清名四海聞西
峯頽落日乘鶴叩蒼雲 晚歲艱難意衡門老病身
蜀山迷望帝楚澤痛靈均皮弁終辭詔深衣晚任真

蓋棺今已定千載有遺民 燕說經生濫齊諧學究
輕微言空有意獨拍已無聲墨澤雞林貴青氎虎觀
榮新銘前進士幽抱付誰明 再世登龍舊淵源可
再窺西山遺正緒東澗結冥知腹笥名空在眉黎壽
竟違重歌妾薄命寒淚滴塵瓶

鄭覺民送王叔載教諭象山四首之一恭維尙書公道
輝燭乾坤望古浩千萬撫拾恣咀吞坐值時運移閉
門守深根春陽熙九寓英曜日盛蕃後學競奔走眾
屬此文孫

王深寧先生年譜

張

全四明叢書

約園刊本

全祖望宋王尙書畫像記往者太原閻丈百詩篤嗜深
寧先生之著述三屬人入鄞求先生之行狀神道碑
墓誌欲附之卷尾又求其畫像欲摹之卷首而皆不
可得先生孫枝在鄞者零落其在紹之上虞者亦不
知其盛與否也予罷官歸同學葛君巽亭爲予言榆
莢村王氏有先生像亟喜往請而觀之亡宋遺民所
云咸淳人物面目當時已等之彝鼎況大儒如先生
乎先生之學私淑東萊而兼綜建安江右永嘉之傳
予於同谷三先生書院記言之詳矣生平大節自擬

於司空圖韓偓之閒良無所媿顧所當發明者有二
其一則宋史之書法也先生於德祐之末拜疏出關
此與曾淵子輩之潛竄者不同先生既不與軍師之
任國事已去而所言不用不去何待必俟元師入城
親見百官署名降表之辱乎試觀先生在兩制時晨
夕所草詞命猶思挽既渙之人心讀之令人淚下則
先生非肯愀然而去者今與曾淵子輩同書曰遁安
矣一則明儒所議先生入元曾爲山長一節也先生
應元人山長之請史傳家傳志乘諸傳皆無之不知

王深寧先生年譜

張

全四明叢書

約園刊本

其何所出然卽令曾應之則山長非命官無所屈也
箕子且應武王之訪而況山長乎予謂先生之拜疏
而歸蓋與馬丞相碧梧同科亦與家參政之教授同
科而先生之大節如青天白日不可掩也嗚呼先生
困學紀聞中有取於姚弋仲王猛之徒與楊盛之不
改正朔并謝靈運臨難之詩其亦悲矣而謂士不以
秦賤經不以秦亡俗不以秦壞何其壯也嘗李德林
之以事周者事隋更足爲興王用人之戒今觀先生
之像須眉惆悵端居不樂其當杜門謝客之際乎惜

不令百詩見之也

又宋元學案應麟字伯厚從王子文楚受學先生曰今
之事舉子業者一切委棄制度典故漫不省非國家
所望於通儒於是閉門發憤誓以博學宏詞科自見
假館閣書讀之入元不出學者稱爲厚齋先生

又深寧學派四明之學多出陸氏深寧之父亦師史獨
善以接陸氏而深寧紹其家訓又從王子文以接朱
氏從樓迂齋以接呂氏又嘗與湯東澗遊東澗亦兼
治朱呂陸之學者和齊斟酌不名一師宋史但夸其

王深寧先生年譜

張

全四明叢書

約園刊本

辭業之盛予之微嫌於深寧者正以其辭科習氣未
盡耳若區區以其玉海之少作爲足盡其底蘊陋矣
王應麟其學侶曰王應鳳韓性其同調曰黃震其子
曰良學昌世門人曰胡三省戴表元黃叔雅鄭芳叔
袁桷王惟賢孫曰厚孫寧孫胡三省子曰幼文戴表
元門人曰袁桷鄭芳叔子曰覺民孫曰駒曰真

王深寧先生年譜

